



TOMANATUGA FA'ALEAGAGA MO LE MASINA O IULAI 2022..

Tusi Faitau: Ioane 15:12-17

Matua " Ia tu'uina atu e se tasi lona ola mo ana uō, O a'u uō outou..."

Ole Viiga i le Atua i mea uma, ona o lona agalelei fa'asoa i lo outou soifua laulelei ae maise lo matou ola vaivai. Ua finagalo malie ai lava o ia, e momoli saogalemu mai i tatou uma i le amataga ole Masina lona 7 o le Tausaga.

Fa'amalo lava le folau manuia i le Paia ma le mama-lu mauiluga o le tatou Kapelania Samoa. O Upu masani ai le Atunu'u "O lea ua sau le va'a na tiu, tau mai le va'a na tau, a'o lo'o mamau pea lago ole va'a na faō afolau. " Gona laia Viiga ole Alii i ana auauna o le talalelei, auā ole latou fatuaiga tausi lea.

Ae alo maia, o le fa'aopopoina fo'i lenei o se fa'asoa, e saga matimati atili ai pea le ta folauga aemaise le tualoina o lo tatou sã folau, lea fo'i ua fa'ataumua'ava mo lenei foi Masina Fou.

Fai mai le tatou MATUA "IA TU'UINA ATU E SE TASI LONA OLA MO ANA UŌ, O A'U UŌ OUTOU..."

O a tatou uō, o tagata aupito sili ona latalata mai iā i tatou i le tele o taimi, aemaise i taimi ua tatou o 'ese mai ai ma o tatou Aiga ma matua. O taimi e mafuta ai ma UŌ, o taimi aupito sili ia ona tatou fiasia ma sa'oloto ai e fai so'o se mea tatou te loto i ai. O a tatou uō fo'i, e sili ona tele lo latou sao ile fausia o a tatou amio - ia lelei atili pe tatou te leaga atili ai fo'i; ole mea lea e ao ai lava ona tatou matua'i fa'autauta ma mataala lelei iā tatou mea e fai pe a tatou fa'atasitasi ma a tatou uō. Ia sili ai ona naunau e ofo atu lou tagata e lavea'i au uō ma ta'ita'i mai i latou ia Iesu..

1) "Aua fo'i tou te amio faatasi ma lenei lalolagi..

Ole vaivaiga ta'atele i le au o i lotu, ole fefe lea e tautala i se mea lelei, a'o tautalatala isi tagata uma i se mea leaga, po'o le fefe fo'i e fai se mea lelei, a'o manatunatu le to'atele o tagata e fai se mea sesē ma leaga. E fefe tele ina ne'i inosia ona o le fia lelei pe

TUSI FAITAU: Ioane 15: 12—17

fia mamā; e mua ina popole ne'i ave'ese pe vavae'ese mai o ia pei se tagata fa'atu'i'ese. Ole mafua'aga lea e fa'ata'ita'i ai i amio sesē a isi tagata ma amio fa'atasi ai i amio leaga o lo'o fai ma taupulepule e fa'ataunu'u. E tatau ali'i ona tatou tula'i mo Iesu, ae 'aua e te 'au fa'atasi ma mea sesē, e tatau ona lototetele e tautala atu le amiotonu ma amio lelei, ae 'aua le fefe pe popole fua ne'i vavae 'ese oe. Ia e taumafai e tu'u 'ese'ese au UŌ mai lou fa'atuatuga; ia sili ona e manumanu i lou lava agaga, nai lo le popole fua ne'i leai ni au UŌ.

2) "O lenei afai ua iā Keriso se tasi, ole tagata fou ia.."

Afai e te tula'i atu mo Iesu ma tautala atu e fai ma sui ole Alii e te fa'aleo lona finagalo, e mautinoa lava le matua'i inosia ma itagiaina oe, ma o'o ina lafoa'i oe e au UŌ. Peita'i e sili ai ona mautinoa le tele o isi fo'i au UŌ fou e maua, o UŌ e tosina mai i le tele o au mea ma taimi o talavou le olaga, o UŌ fa'amaoni; e ta'ita'i mai i latou e le Agaga ole Alii..ma afai fo'i e te loto tele ma fa'amasani e fai atu i au UŌ, 'Aua! Taofi le mea sesē lenā o le a fai, e te lagonaina lava le fou o lou malosi, fou fo'i ma lou loto, auā e te lē o tautala oe mo oe, ae o lo'o e tautala atu mo Keriso, USO e ma tuafafine ma le aufaitau, o lo'o sa'ili mai e Iesu Keriso nisi e fia UŌ ia te ia, nisi e loto tetele e tautala atu mo ia, a'o nisi fo'i e lē amio faatasi i latou ma le lalolagi.

3) "Ia outou tatalo fo'i mo i latou o ē fa'asauā mai iā te outou..

E tu'u fa'afeagai UŌ ma Fili. O le tele o lou amio faakeriso, ole tele fo'i lena o ou fili e ino'ino ma sauā ia te oe. O lo'o tautino mai e le Tusi Paia, o tagata uma e loto 'ina ia nonofo ma le amio Atua ia Keriso Iesu, e mautinoa lava le sauaina o'i latou. E mafua lea ona e 'ese tagata ole lalolagi, 'ese fo'i tagata na ona nonofo ile lalolagi, ae 'ese le Malō e i ai-ole Malō o le Atua. Ua ta'u manino mai e le Alii o Iesu lena mea, " e lē ni ole lalolagi outou, a ua ou filifilia outou nai le lalolagi, ole mea lea e ino'ino ai le lalolagi iā te outou". (Ioane 15:19) E lē nofononofo lelei tagata o le lalolagi pe a latalata ile Upu moni ma mea amiotonu; auā fo'i e ino'ino tele i latou i mea fa'a-Iesu; a'o le mafua'aga fo'i lena e ino'ino ai iā te oe ma a'u, pe a o tatou tautala atu i mea lelei.

Le au Uso e, ole ala lea e tatau ai ona o tatou tatalo mo agaga o nei tagata pe a latou fa'asauā mai iā i tatou. O auala nā fa'a-le-Atua-e saga ta'u atu ai pea le Upu moni i le lalolagi; latou te le'o iloa, o lo'o sili ona latou latalata mai ile Upu moni a le Atua, nai lo le tulaga o latou manatu i ai.

4) "E onosa'i le alofa, e agamalū... Ole to'atele o tagata i le vaitaimi lenei, ua fiafia i teuga 'ese'ese e fa'atosina atu ai tagata ia te'i latou. Ole su'iga o laei ina ia tosina le va'ai a tagata, o a latou upu ma fa'amatalaga, o pese ma musika e fa'atosina atu ai le fa'alogo a tagata, o a latou fagu fa'amanogi ma u'u 'ese'ese, e fa'atosina atu ai le sosogi o tagata. Ua fa'apea fo'i la ia latou amio ma mea latou te fai. O tu ma āga ma taga 'ese'ese, ua latou fai ina ia fa'atosina atu ai loto o tagata.

Le au pele e, e fa'apenā le mea ua taumafai i ai le to'atele, ina ia fa'atosina atu le Atua mai le Atua iā i latou iā i latou. E manatu e fa'alelei muamua a latou teuga, ona fa'atoa talia lea o'i latou e le Atua. Peita'i e lē fa'apena faiga fa'a-le-Atua. Manatua, na ia mua'i Alofa mai lava, na maliu lava lona Alo mo i tatou a'o tatou agasala pea. E alofa mai pea o ia iā te oe ma a'u aemaise fo'i i latou tusa lava pe e te alofa pe agasala pea fo'i. Afai tatou te fa'aoga le alofa o lo'o faamatala e Sagato Paulo i lana Tusi i le Ekalesia i Koronito, (1 Koronito 13) e fai ma au teuga, ole a le pine ona tosina atu tagata ile Atua ma alolofa moni ia te ia.

5) " O lo tatou Alii o Iesu Keriso..ua faamativaina ona o outou, ina ia fa'atamaoigaina outou i lona mativa.."

Le tatou Kapelanisia e, ua vala'auina i tatou e fai ma sulu e fa'asino ai o tatou uso, o Aiga ma UŌ ia Iesu Keriso. O lea ua a'oa'o mai fo'i lo tatou Alii i auala e tele e fa'atinoina ai. "O mea uma fo'i tou te loto i ai ina ia faia e tagata ia te outou, ia faapea lava ona outou faia iā te'i latou; auā ole tulafono lea ma le au Perofeta ". Afai tatou te talitonu ma ola ai fa'apenei, ole a ave'ese atu ai o tatou manatu ma fa'atinoga mai le fa'aogatotonu o'i tatou lava, ae fa'asaga atu i le fa'atāua ma fa'amamafa i isi tagata. (Shift from our self-centered, to love & concern for others) Peita'i le au uso e, e i ai lona tau/totogi o le ituaiga soifuaga lenei - ole ave ole fa'amuamua mo le isi tagata, (giving always costs). Po'o le ave o lou taimi ma le malosi e fa'alelei ai le olaga o le isi uso po'o lau UŌ, po'o le tu'u atu o lou tau'au e amo ai ana avega pe mapu ma malolo ane fo'i i ai si ou uso po'o le UŌ, pe foa'i atu fo'i au tupe e tausi ai lou uso po'o le UŌ. Uso e, ole tau lena o lou ALOFA. O auala na fa'a-Iesu. O lona Alofa tele ia te oe ma a'u, na mativa masaesae ai o ia, ina ua ia sasa'a atoa mai lava lona soifua e fa'aolaina ai i tatou, ma ave ai oe ma a'u ma i tatou uma lava ma ana UŌ faapelepele. Ioe e moni lava " ia tu'uina atu e se tasi lona ola mo ana UŌ. O a'u uō outou.....".

Tau ia ina ia manuia le malaga fa'aleagaga a le tatou Kapelanisia Samoa i totonu o lenei Masina Fou o IULAI.

Manuia tele ona o Keriso

Vauelei & Veronika Tuitolova'a (FK)

## AFIOGA KATINALE JOHN DEW



### Ia Tumau ia te outou le Filemū

I le amataga o le tausaga na mavae atu nei (2021), na fa'ailoa atu ai o Epikopo Paul Martin, sa avea ma Epikopo a Christchurch ua tofia e avea ma Epikopo Fesoasoani a Ueligitone. Sa ou talia lenei fa'aaliga ma le fa'afetai tele ma le iloaina a o'o i le taimi, e mana'omiaina a'u i lalo o

le Tulafono Kanone e tu'uina atu la'u fa'ama-

vaega i le Pope, ma e lē umi ona tatou fa'atali mo se Akiepipoko fou e tofia mai ona o Akiepipoko Paul ua tofia nei e Pope Faranisisi e suia a'u.

Sina taimi talu ona maua mai lenā fa'aaliga, sa ou tusi ai loa i palisi uma ma talosagaina ina ia a'afia le suafa o Paul i le Tatalo o le Eukalisitia. Sa ou fai atu ua outou masani i le tatalo mo Pope Faranisisi mo le iva tausaga fa'apea a'u o se Epikopo Fesoasoani ma Akiepipoko mo le 28 tausaga ua tuana'i atu ma talosaga atu ina ia fa'aopopo i ai nei ma le suafa a Paul. Ma te fa'afetai atu mo a outou tatalo fai so'o mo a'u fa'apea le taimi nei mo Paul, fa'amolemole fa'aauau a outou tatalo mo i ma'ua.

## AFIGA KATINALE JOHN DEW

Ou te fiafia e fa'ailoa atu e ala atu i lenei tusitusiga o Akiepipoko Paul ua aumau tumau ai nei i Ueligitone. O Epikopo Michael Gielen ua tofia o le Epikopo fou mo Christchurch ma ua fa'atasi mai ai nei Akiepipoko Paul ma i tatou. Ou te iloaina tou te fa'aulufaleina mai ma le fiafia Akiepipoko Paul ma va'ava'ai mo ni avanoa e fa'afeiloa'ia o ia iā outou palisi ma a'oga a le Pule'aga.

I le luasefulu tausaga talu ai na tusia ai e Pope Sagato Ioane Paulo se tusitusiga **O Le Epikopo, 'Au'auna a Iesu Keriso mo le Fa'amoemoe a le Lalolagi.** O le ulua'i upu a lenei Tusi (*Pastores Gregis*) "**O Leoleo Mamoe a le Ali'i ua iloaina e fa'amoemoe i se kalasia mamana fa'apitoa a o latou fa'atino a latou 'au'aunaga o ni Epikopo.**" O Akiepipoko Paul ma a'u nei ua iloaina ua tu'uina mai iā i ma'ua la outou lagoonua tatalo, ma e fa'afetai atu ai. E le mafai ona fa'ataunu'uina atoatoa pe tala'i o ni a outou Epikopo e aunoa ma a outou tatalo. Fa'afetai Tele Lava.

O le isi vaega o lenā Tusitusiga ua fai mai: **“o le manatu fa'atusa o se Epikopo, e fa'auua ai le fa'amoemoe a le Ekalesia, o se faife'au, o lē ua fa'atulagaina iā Keriso i lona olaga pa'ia, ua faaoga o ia lava ma le agalelei mo le Ekalesia ua tu'uina atu i ai ma le fa'atua...”**A outou tatalo mo ma'ua, fa'amolemole ia manatua o lo'o outou talosaga atu ina ia avea i ma'ua ma **“Faife'au Lelei,”** ina ia **“fa'aoga i ma'ua ma le agalelei”** ma tauave i o ma loto popolega mo le Ekalesia atoa i le lalolagi.”

Ma Fa'amanuiaga Uma Lava  
+ Ioane, + Paulo

## O LE FA'AKERISIANO I TAIMI O FA'AMA'I

O lenei tusitusiga e lē o fa'asino na o le fa'ama'i o le Koviti, ae i le tulaga o la tatou lalolagi, e pei ona fa'ailoa mai e lenei mea ua tupu i le lalolagi. I le va'aiga fa'atusi pa'ia o lenei fa'ama'i ua sosolo o se fa'ailoga o le taimi.

I le amataga o le Fagafulu uiga 'ese ua tuana'i atu e to'atele i tatou sa manatu o lenei fa'ama'i ua na mo se taimi pu'upu'u, o se fa'aletonu o faiga masani a le sosaiete, o se mea e lē umi, ona toe fo'i lea i mea ua masani ai. Ae a o alu ai aso, ua va'aia manino le mea moni: E lē o le taunu'uga lea. Ma o le a lē maua se taunu'uga lelei pe a tatou taumafai atu i ai. A mae'a lenei mea na tupu i le lalolagi o le a lē tutusa e pei ona i ai muamua, ma e masalomia e lē toe fo'i i ai.

O se natura i nisi o taimi o ni mala tetele e muamua ona tatou popole i mea fa'aletonu ae “e lē na o mea e 'ai e ola ai le tagata.” Ua o'o mai le taimi e su'esu'e ai le loloto o uiga o lenei a'afiaga loloto o lenei fa'aletonu i le saogalemū o la tatou lalolagi. O le faiga ua lē mafai ona 'alofia o le olaola fa'asosaiete ua foliga mai ua taunu'u i lona fa'atutumu. O le tulaga vaivai fa'alalolagi ua manino lelei i le va'ai. O le ituaiga o lu'itau ua aumai e lenei tulaga mo le Fa'akerisiano ma le ekalesia – le tasi o le mua'i “a'afiaga o le lalolagi” – fa'apea mo le telosia?

O le ekalesia e tatau ona avea ma “falema'i i le malae,” e pei ona fai mai ai Pope Faranisisi. E lē

tatau i le ekalesia ona tumau ai pea i se tuto'atasi matagofie 'ese mai ai i le lalolagi ae tatau ona alu 'ese mai i ona tuā'oi ma avatu le fesoasoani i nofoaga o lo'o a'afia ai tagata i le fa'aletonu, mafaufau, ma le fa'aleagaga. O le auala lenei e faia ai e le Ekalesia le togisala mo manu'aga ma mafatiaga na mafua mai i ona suli i taimi talu ai nei iā i latou e leai ni puipuiga. Ae se'i o tatou mafaufau atili i lenei fa'aupuga – ma fa'atino loa.

Afai e avea le ekalesia ma falema'i, e tatau ona ofoina atu le soifua maloloina lelei, le fa'asosaiete ma le va'aiga alofa sa ia ofoina atu talu mai le tafa o āta o lona tala fa'asolopito. Ae ao fo'i i le ekalesia ona fa'ataunu'uina isi galuega fai. E i ai lana matafaioi fa'asu'esu'e ma'i e tatau ona fa'atinoina (fa'ailoaina fa'ailoga “fa'ailoga o taimi”), o se matafaioi puipuia (fausia se “faiga puipuia” i sosaiete o lo'o i ai le vairusi o le mata'u, itagia, fia ta'uta'ua ma le lotonu'u ua olaola ai) ma se fa'atinoga o le toe fa'aleleia (aemaise o fa'aletonu mai taimi ua tuana'i e ala i le fa'ama-galoga).

I luma atu o le Eseta i le 2019, na mū uma ai le Malumalu o le Notre – Dame i Paris, Farani. O le tausaga na soso'o ai i le vaitau o le Fagafulu sa leai ni sauniga i le faitau selau o falesa i nisi o koniteneta, po'o malumalu Moselami po'o Iutaia. Ona o tatou o Kerisiano e ao ona tatou tomanatu inā falesa ua leai ni tagata po'o ua tapunia fo'i o



se fa'ailoga ma le lu'itau mai le Atua.

O le malamalamaina ole gagana a le Atua i mea ua tutupu i le tatou lalolagi e mana'omia se faiga lelei o le tomanatunatuga fa'aleagaga, ua vala'auina ai i tatou mo se tu'ua'iga mafaufau loloto mai a tatou lagona maualuga ma a tatou fa'ailoga tagata, fa'apea fo'i ni fua fa'atatau o a tatou mata'u ma fa'anaunauga. I taimi o mala, fa'atusa o se Atua amio leaga, tau'i ma sui ua salalau ai le fefe. O nei fa'atusa o le Atua o ni u'amea mo le viliina o le lē talitonu i le Atua mo seneturi e tele ua tuana'i.

I taimi o mala, tatou te lē va'aia le Atua o se fa'atonu e māitaita, nofonofo ma matamata i faiga a le lalolagi. E lē o lenā. Ua va'aia le Atua o se punavai o le malosi, o lo'o galue iā i latou ua fa'aalia le lotogatasi ma le alofa faitaulaga i tulaga fa'apenei (ioe, a'afia ai ma latou e leai ni "fa'aosofiaga fa'alelotu" mo a latou gaioiga). O le Atua o le alofa e loto maualalo ma le fa'autautata.

Ae mafaufauina pea i taimi o falesa ua gāogāo ma tapunia e lē o se ituaiga ua va'aia o se lapata'iga mo mea o le a tutupu i le lumana'i lata mai. E fa'apenei ni mea ole a va'aia i nai tausaga i luma i se vaega tele o la tatou lalolagi. Sa tele ni lapata'iga mai nisi mea na tutupu i isi itu o le lalolagi, le tele o falesa, o monaseri, seminalio ua tapunia ma gāogāo. Aiseā na tatou tu'ua'ia ai nei suiga ua leva ona tuputupu mai o ni a'afiaga mai fafo, i lo le maitauina o le isi lea o mataupu i le tala'aga a le Fa'akerisiano ua taunu'u i lona taunu'uga, ma ua o'o i le taimi e sauniuni ai mo le fou.

Atonu o nei taimi o falesa ua gāogāo ua fa'aailoa mai ai le gāogao natia o falesa ma a latou tulaga i le lumana'i vaganā ua faia ni taumafaiga ogaoga e fa'aali atu ai i le lalolagi se foliga e 'ese atoatoa a le Fa'akerisiano. Ua tatou mafaufau tele ile fa'aliliuina o le lalolagi ae itiiti i le fa'aliliuina o tatou lava: e lē na o le fa'aleleia atili ae o se suiga fou atoatoa mai le ave a se "Kerisiano tumau" i se "avea ma Kerisiano" e tumu i le malosi ma manatu fou. Ina ua faia e le ekalesia i tausaga ogatotonu le fa'aogaina tele o le vavao o se fa'asalaga, ma o na "tete'e laua'itele" e le 'au faitofi atoa o lona uiga o saunigā lotu ua lē faia ma sakalameta ua lē fa'ataunu'uina, ua fa'ateleina i tagata ona sa'ili se mafutaga vāvālalata ma le mafana ma le Atua. O mafutaga fa'aleusoga ma fa'aleagaga ua fa'ateleina. O le fa'ateleina o le fa'aleagaga na fesoasoani tele e

asā le ala mo Fa'afouga – e lē na o Matini Lukelu ma Ioane Kalavini ae fa'apea fo'i le fa'afouga Katoliko na feso'ota'i ma le Ituaiga a Iesu ma le fa'aleagaga Sepania. Atonu o le iloaina o le tomanatuga e fesoasoani e fa'aleleia atili ai le "ala fa'asinoti" i se fonotaga fou fa'afouina.

### O se Vala'au Fa'afouina

Atonu ua tatau ona tatou talia le i ai le taimi nei le lē auai i sauniga fa'alelotu ma galuega a le ekalesia o se agalelei, o se avanoa e taofi mai ai ma feso'ota'i atu i le auai lelei i tomanatuga i luma o le Atua ma fa'atasi ma le Atua. Ua mautinoa o le taimi lenei e tomanatu ai pe fa'apefea ona fa'aauau le ala ole fa'afouga, na fai mai ai Pope Faranisisi e tatau: 'aua le taumafai e toe fo'i i se lalolagi e lē o toe i ai, po'o le fa'amoemoe ua na o le fa'afouga o fausaga va'aia, ae ia liliu atu i le fatu o le Evagelia, "o se malaga ile loloto."

Pe sa tatou manatu e mafai ona tatou fo'ia le leai o ni faife'au i tele o Europa ma isi nu'u i le aumai o isi mai Olani, Asia ma Aferika? E tatau ona tatou va'ai lelei i le talosaga a le Sinoti i le Amasoni, ae i le taimi lava lea tatou te mana'omia ona avatu se lautele sili atu mo 'au'aunaga a tagatā lotu i le ekalesia. Aua fo'i ne'i fa'agaloina i le tele o atunu'u na ola ai pea le ekalesia e aunoa ma ni ositaulaga mo seneturi e tele.

Atonu o lenei "tulaga fa'afuase'i o se fa'aailoga o le foliga fou a le ekalesia, o lo'o i ai se fa'asologa fa'asolopito. Ua i ai le manatu o a tatou fa'apotopotoga Kerisiano, palisi, ituaiga ma fa'apotopotoga monaseli ua tatau ona sa'ili ina ia aumai faiga na tuputupu a'e ai univesete i Europa: o se fa'apotopotoga o tamaiti a'oga ma faia'oga, o se a'oga o le atamai, o lo'o sa'ili ai le moni e ala i le fa'asoa i le sa'olotoga e finau ai fa'apea le tomanatuga loloto. O ni motu mo le fa'aleagaga ma talanoaga e mafai ona ave a punavai o le malosi o fa'amalologa mo se lalolagi ua ma'i. I le aso i luma atu o lona filifilia ma Pope, o Katinale Jorge Bergoglio na ta'ua se faitauga mai le Tusi o Fa'aaliga na tu ai Iesu i luma o le faitoto'a ma tu'itu'i. Sa ia fa'aopopo fa'apea: "O le asō ua tu'itu'i ai Keriso mai i toto nu o le falesa ma e mana'o e sau i fafo."

E i ai se tusi ta'uta'ua e ta'ua "O le Ali'i Fa'avalevalea" o le tagata ua fa'aalutalaina – o le fa'avalevalea ua fa'atagaina ona tautala i le moni – folafola "le maliu o le Atua." O le mataupu ua

fa'ai'u i le tagata fa'avalevlea ua sau i le falesa e pese ai "Pese mo tagata maliliu" ma fesili: O a nei falesa pe afai e lē o ni fanua tanu ma ni fanuaoti a le Atua? I le tele o taimi e tele ituaiga o falesa ua pei o ni tu'ugamau taugatā a se atua ua oti.

I le taimi na tetele ai le Koviti na leai ni sauniga i falesa. I le vaitau o le Eseta i isi atunu'u o le faitauina o le tala a le Evagelia e uiga i le tu'ugamau ua leai se isi o i ai. Afai o falesa ua leai nisi o se fa'amanatu mai o le tu'ugamau ua leai se isi o i ai, ia 'aua ne'i o tatou lē amana'iaina le leo mai lugā: "E lē o i'inei o ia, auā ua toe tu mai o ia, pei ona fetalai atu ai o ia, e muamua atu ia iā te outou i Kalilaia" (Mataio 28: 6). O se fesili e fa'aosofiaina ai tomanatuga mo lenei vaitau: O fea o i iai le Kalilaia i aso nei, le mea tatou te feiloa'i atu ai ma le Keriso toetū?

O ni su'esu'ega fa'asosaiete ua fa'ailoa mai ai i le lalolagi le aofa'i o le au talitonu (o latou ua fa'ailoa mai o ni au fa'atuatua i faiga masani fa'alelotu, ma latou ua una'ia se talitonuga fa'apaupau) ua fa'ititiia, ae ua fa'ateleina le numera o latou o lo'o sa'ili. Fa'aopoopo i ai, ua si'itia le fuainumera o tagata e lē popole pe i ai se Atua pe leai, mataupu fa'alelotu po'o tali masani i ai.

O laina autū ua fevaevae a'i ai le au talitonu ma latou e lē talitonu ua le toe i ai. Ua i ai nei le au sa'ili i totonu o le au talitonu (latou ua manatu o le fa'atuatuga e lē o se tofi ae o se auala) ma a'afia ai ma le au lē talitonu, ua te'ea manatu fa'alelotu ua tu'uina atu iā i latou o lo'o si'osi'omia ai i latou ae ui i lea o lo'o i ai se mana'oga mo mea e fa'amalieina ai o latou fia inu mo se uiga.

Ua talitonuina o le "Kalilaia i aso nei" le mea e tatau ona tatou sa'ili i ai le Atua, o lē na toetu mai le oti, o le lalolagi o latou o lo'o sa'ili.

### Sa'ilia Keriso mai le 'au sa'ili

O le telosia fa'asa'olotoga ua a'oa'o mai iā i tatou e sa'ili Keriso mai tagata o lo'o i le taufa'asi'usi'u o sosaiete. Ae e tatau fo'i ona saili o ia mai tagata fa'atauva'a i totonu o le ekalesia. Afai tatou te manana'o e feso'ota'i atu ma i latou oni so'o o Iesu, e tele mea e tatau ona muamua ona tu'ua. E tatau ona tu'ua le tele o manatu sa i ai e uiga ia Keriso. O le Tasi na toetū mai ua suia atoatoa e lē masani ai mai le oti. E pei ona tatou faitau ai i Evagelia, e o'o lava ia i latou sa pele ma latalata i ai e le'i maitauina o ia. E fa'apea

tatou te talia tala fou uma ua si'osi'omia ai tatou. E mafai ona tatou finau e pa'i atu i ona manu'a. E le gata i lea, o fea le isi mea tatou te mauiinoa ai e feiloa'i atu ai iā i latou i lo manu'aga a le lalolagi ma manu'aga a le ekalesia, i manu'aga i le tino sa ia tauavea o ia lava?

E tatau ona tu'u a tatou taumafaiga e fa'aliliu tagata. Tatou te lē o sāvali atu i se lalolagi o tagata o lo'o sa'ili e fa'aliliu i latou vave ma fa'aofi atu i latou i fa'alapotopotoga ma nofoaga a tatou falesa. O Iesu fo'i e le'i taumafai e toe fa'afoi fa'atopetope atu na "mamoe na leiloa a le fale o Isaraelu" i faiga fa'atulagaga a Iutaia o aso nei. Sa ia silafiaina o le uaina fou e tatau ona sasa'a atu i fagu pa'u fou.

E tatau ona tatou aumaia mea fou ma mea tuai mai fale 'oa o tu masani sa tu'uina mai ma le fa'atuatuga, ma faia i latou o ni vaega o se fa'atalanoaga ma le au sa'ili, se talanoaga e mafai ma a'oa'o mai ai le tasi mai le isi. E tatau ona tatou iloa ona fa'alauteleina i ni auala fou tuā'oi o a tatou malamalama'aga o le ekalesia. E lē o toe lava mo i tatou se agalelei e tatala atu ai se "malae mo tagata o nu'u 'ese." Ua mae'a ona tu'itu'i mai le Ali'i mai totonu ma sau i fafo, ma o la tatou galuega o le sa'ili o ia ma mulimuli atu iā te ia. Ua mae'a ona ulufale Keriso i le faitoto'a na tatou lokaina ona o le fefe i isi. Ua ia pasia puipui na tatou si'osi'omia ai i tatou. Ua ia tatalaina avanoa o ona lautele ma le loloto ua tatou niniva ai.

I le amataga o lana tala'iga, o le ekalesia anamua a Iutaia ma le au fa'apaupau na fa'alogoia le fa'aleagaina ole malumalu na tatalo ai Iesu ma a'oa'o i ona so'o. O Iutaia i nā aso sa maua le loto tele ni fofō na foafoaina. Na latou suia le aletale o le malumalu na fa'aleagaina i le laulau a le aiga Iutaia, ma le faiga masani o faigataulaga e le tatalo a fa'apotopotoga ma le tuma'oti. O faigā taulaga susunu ma faigataulaga i le toto ua latou sui ai i tomanatuga, vivi'i ma le a'oa'oina o le Tusi Pa'ia. I le taimi lava lea, o Kerisiano anamua, fa'asāina mai Sunako, ua sa'ili se fa'asinomaga fou mo latou. I le malepe ai o tu masani, o Iutaia ma Kerisiano ua a'oa'oina le fa'afou o faitauga o le tulafono ma perofetaga ma se fa'auiigaga fou. Pe tatou te lē o i ai nei i se tulaga tutusa i nei aso?

### O le Atua i Mea Uma

Ina ua fa'aleagaina Roma i le amataga o le seneturi lima, sa i ai ni fa'amatalaga vave mai le

## O LE FA'AKERISIANO I TAIMI O FA'AMA'I

tele o vaega. O le au fa'apaupau sa va'aia o se fa'asalaga a atua mo le fa'aulufaleina atu o le Fa'akerisiano, ae o le to'atele o Kerisiano sa va'ai i ai o se fa'asalaga mai le Atua ia Roma. Na te'ea e Sagato Aukusitino nei fa'auigaga e lua. I lenā, sa ia fa'alateleina lana telosia o le taua ua leva i le va o 'a'ai e lua, e lē o Kerisiano ma tagata fa'apaupau, ae o alofa e lua ua aumau i le loto o le tagata: o le alofa mo ia lava, latalata i le silisili ma le alofa ua avatu o ia lava ma o lea ua mauaina ai le Atua. O a tatou taimi o le suia o sosaiete ma aganu'u ua vala'uina mo se telosia

fou o le tala'aga fa'aonapo nei ma se malamalama'aga fou o le ekalesia.

“Ua tatou iloa o fea o i ai le ekalesia, ae tatou te lē iloaina le mea e lē o i ai,” o se a'oa'oga mai le fai telosia Orthodox o Paul Evdokimov. Atonu o le fonotaga mulimuli sa fa'apea mai e uiga i le fa'akatoliko ma le tu'ufa'atasia e mana'omia se mauaina o se va'aiga loloto. O le taimi mo se tu'ufa'atasia i le lautele ma le loloto, mo se sa'iliga lototele mo le Atua i mea uma lava.

## O LE PESE A LE 'AU'AUNA

### O LE MASIOFO A LE AU PEROFETA

Sa i ai i lenā taimi i Ierusalema o se ali'i e igoa iā Simeona. O lenei ali'i e amio tonu ma e fa'amaoni, o se tasi e va'ava'ai ma fa'atalitali i le toe fuata'iga o Isaraelu ma le Agaga Pa'ia i ona luga. Sa fa'ailoa atu iā te ia e le Agaga Pa'ia e lē o'o mai le oti iā te ia se'ia va'ai i le Mesia a le Ali'i. Ta'ita'iina e le Agaga, na sau o ia i le malumalu; ma ina ua aumai e mātua le tamaititi o Iesu e faia i ai e ia mea masani i le aganu'u e pei ona fa'atulafonoina, sa ia ave o ia i ona lima ma vivi'i le Atua ma fai atu:

“Le Ali'i e, e te tu'uina atu nei lau 'au'auna ia au ma le manuia, pei o lau afioga; auā ua iloa e o'u mata lau fa'ao-lataga ua e saunia i luma o nu'u uma lava, o le malamalama e fa'amalamalama ai nu'u 'ese, ma le mamalu o lou nu'u o Isaraelu”

O le tamā ma le tinā o le tamaititi ua tumu i le maofa i mea ua fa'alogi i ai e uiga iā te ia. Na fa'amanuia Simeona iā i la'ua ma fai atu iā Maria:

Fa'auta, ua tu'u le tama nei e pa'u'ū ai ma toe tutū ai tagata e to'atele o i Isaraelu; e fai fo'i ma fa'ailoga e ta'ulegaina; e tū'ia fo'i lou lava loto ia āti i le pelu – ina ia fa'aalia mai ai manatu o tagata e to'atele”

Sa i ai fo'i se perofeta fafine, Ana, le afafine o Fanuela o le itū aiga o Asera, ua lo'omatua o ia, sa la nonofo ma lana tane i tausaga e fitu talu ina o taupou, a ua oti lana tane; o ona tausaga ua tusa ma le valugafulu ma le fa. E le'i alu 'ese o ia i le malumalu, a ua auina atu o ia i le Atua i le anapogi ma tatalo i le ao ma le po. O lea lava itu aso, ua sau ai o ia, ua fa'afetai atu i le Atua, ma tautala iā

te ia i tagata uma lava ē na fa'atali atu i le Togiola i Ierusalema' (Luka 2: 25 – 38).

O le evagelia a Luka ua tu'uina manino maia Maria iā i tatou o se masiofo a perofeta. Ina ua ia aumai ana fa'amanuia ma fa'afeilao'iga i le fale a Sakaria, o Ioane, o lo'o i ai pea i le manava a lona tinā, ua osooso i le olioli, ma na amatalia matafai fo'i fa'aperofeta i le folafolaina o le tasi o le a papatisoina e le Agaga Paia, ma i le uma ai o le taimi na gūgū ai, na pese mai Sakaria i le perofetaga sili i se pese na iloa e Maria.

Na fa'apea fo'i ina ua aumai e Maria Iesu e molimoli atu i le malumalu, na tupu se isi feiloa'iga ofoofogia ma perofeta. Ua si'osi'omia Iesu e suli a le au matitiva ua tumau pea lo latou fa'atuatua i le Atua i taimi faigatā. O le sasa'a mai o le Agaga Pa'ia i luga o Elisapeta ma Sakaria, i luga o Simeona ma Ana o se fa'ailoga o le vaitau fou fa'amesia. Ua manino lelei mai ua fa'aali e le Atua o ia lava i le 'au fa'atauva'a ma le loto maualalo. 'Ou te fa'afetai iā te oe lo'u Tamā e, o le Ali'i o le lagi ma le lalolagi, ina ua e nanā ia mea i e popoto ma e atamamai, a ua fa'aali atu ia mea i tama valevale; o lea lava lo'u Tamā, auā o lou finagalo lava lea (Luka 10: 21).

O le isi upu a Iesu ua maua ai le isi fa'ataunu'uga: “Amuia mata ua iloa mea tou te iloa; auā ou te fai atu iā te outou, e to'atele perofeta ma tupu na fia matamata i nei mea ua outou iloa, a ua latou lē iloa lava; na latou fia fa'alogi ai, ae le'i fa'alogi ai lava” (Luka 10: 23 – 24).

O Simeona ma Ana na fa'aeaina e fa'aali i ai le sau o le Mesia. O Simeona ma Ana e tutusa ma Maria i le malosia sa ola ai i le fa'amoemoega i le sau a le Fa'aola. O le feiloa'iga o se taimi e vivi'i

ai le Ali'i, ma le fa'aaliga na avatu i le fa'apotopotoga pa'ia ua ave ma taimi o le a folafola ai mea o le a tupu. Na fa'ailoa e Simeona Iesu, e lē gata o le lavea'i a Isaraelu ae fa'apea fo'i o le malamalama o nu'u uma, ma na talia e Maria nei leo fa'aperofeta i le fiafia ma vivi'i ma le fa'aevageliaina o se masiofo a le fai evagelia ma aposetolo. Sa fa'anaunau e tatau ona iloaina uma e tagata le Fa'aola.

O Maria fo'i, na talia se perofetaga fa'apitoa, o le pelu o puapuagatia. O ia lea o le a mulimuli iā Keriso po'o fea lava e alu i ai, e o'o lava i le vanu o puapuagatia. O Maria ma Iosefo fa'apea Simeona ma Ana o le a metitasio i le salāmo lona fa a le 'Au'auna a Iova: "Ua inosia ma tu'ulafoaina o ia e tagata; o le tagata fa'anoanoa, ua masani fo'i ma le tigā. E moni ua na tauave o tatou tigā, ma na tau'ave o tatou fa'anoanoa" (Isaia 53: 3 – 4).

E amata atu nei o le 'au ai o Maria i le misitelio o le fa'aolataga ua manino mai. Ua sili atu i maletile ma le au aposetolo, ua fa'asoa Maria i puapuagā a Keriso. Ona o lona alofa tele lava, o ia, i lona loto imakulata, o le puapuagatia tele ma Keriso i lo se isi lava. Ae sau mai ia Keriso, e ui i lea, o lana fa'asoa i le galuega o le fa'aolataga e fua tele mai.

E le'i tu'ua e Simeona se masalosaloga o le feagai atu ma Iesu Keriso, o tagata uma ua faia a latou

filifiliga: o latou e mumusu e talia o ia o le Fa'ao-la, aumaia le toetu i le olataga, tapena o latou lava pa'u'ū. O le tigā tele mo Iesu o le va'aia lea o nisi ua tete'e ia i latou lava ma lē talia le fa'aolataga. O le pelu ma'ai fo'i lea na fa'amanu'alia ai le loto o Maria talu ai, ma Iesu, lona Alo ma le Alo o le Atua, o ia o le tinā o tagata ola uma, e le'i mana'o mo se isi lava mea i lo le fa'aolataga mo tagata uma.

Le Tamā i le Lagi, fa'atasi ai ma Maria ma Iosefo, Elisapeta ma Sakaria, Ioane le Papatiso, Simeona ma Ana, matou te vi'ia oe ona o le auina mai iā i matou o Iesu le Perofeta. Matou te vi'ia oe mo le sasa'a mai o le agaga fa'aperofeta, ta'ita'i ou tagata i le itulā o le pogisa.

Matou te fa'afetai iā oe mo perofeta uma lava o e sa sauniunia le sau o Iesu, le Perofeta.

Fa'amatala o matou mata, taliga ma loto ina ia matou iloaina le fa'aolataga ma fa'alogo i le leo o le Perofeta, Iesu Keriso, fa'apea i isi perofeta sa e auina mai i o matou taimi, e lūlū i matou, ina ia matou liliu atu iā Iesu ma 'oe ma o matou loto atoatoa.

Matou te fa'aaloaloga Maria, o se Masiofo a perofeta. Tatalo mo matou ina ia matou talia pea le kalasia a le Agaga Pa'ia ma le leo o latou ua vala'au mo se fa'aliliuga atoatoa lava.

Amene...*fa'a'au pea...*

## SAGATA BRIDGET – (1303? – 1373)



Mai le fitu o ona tausaga, o Bridget sa ia va'aia se fa'aaliga o Keriso fa'akoluseina. O nei va'aiga na fausia ai le fa'aavae o ana gaioga – e masani e i ai ma lona fa'atāuaina o le agalelei i lo ni alofa'aga fa'aleagaga.

Sa soifua mai o ia i se olaga fa'aipoipo i le maota a le tupu o Magnus II. O se Tinā e to'avalu le fanau (o le lona lua o Sagata Katerina o Sweden), ma sa ola ai i Sweden, i se olaga salamō fa'amaoni i le mae'a o le maliu a lona to'alua.

Sa taumafai lava Briget e tu'u atu lana fa'atosiga lelei ia Magnus; ae le'i toe fuata'i lelei atoatoa, sa ia tu'uina atu iā te ia ni fanua ma fale e fa'avae ai se monaserei mo ali'i ma tama'ta'i. O nei fa'apotopotoga na amata ona tuputupu a'e i se ituaiga ua iloaina nei o le 'au Pelenatete (o lo'o i ai nei lava).

I le tausaga 1350, o le tausaga o le iupelī, sa feagai atu Bridget ma le loto tele i se fa'ama'i sa pipisi i Europa ina ia faia se malagasā i Roma. E le'i toe fo'i mai o ia i Sweden ma o tausaga sa i ai i Roma e lē o ni taimi fiafia mo ia, na tulituli e aitalafu ma le tete'e i ana galuega aga'i i le fa'asauaina a le Ekalesia.

O se malagasā mulimuli lava i le Nu'u Pa'ia, na fa'aleagaina e le va'a na malepe ma le maliu a lana tama, Siale, na i'u ai ona maliu o ia i le 1373.



## GALUEGA A LE AU APOSETOLO

### O le Sauā o Herota i le ekalesia; ma lona oti puapuaga

O ona po ia na pupue ai e le tupu o Herota nisi o le ekalesia ina ia fa'asaua i ai.<sup>2</sup> Ua na fasiotia fo'i ia Iakopo le uso o Ioane i le pelu.<sup>3</sup> Ua ia iloa fo'i e ia ua fiafia ai Iutaia, ona fa'asosolo ai lea ona pu'e iā Peteru lava. (O ona aso ia o areto e lē faafefeteina.)<sup>4</sup> Ua pu'e ia te ia ona tuu ai lea i le fale puipui, ma tuuina atu i tagata tau e ta'ito'afā i vasega e fa e leoleo iā te ia; ua manatu ia e ta'ita'i ane ia te ia i le nu'u pe a mavae le paseka.<sup>5</sup> O lenei ua leoleoina Peteru i le fale puipui, a ua faia le tatalo fa'atauana i le Atua e le ekalesia mo ia.<sup>6</sup> Ua oo ina taitai e Herota ia te ia i fafo, o lea lava pō na moe ai Peteru i le va o tagata tau e to'alua, ua noanoatia i maea uamea e lua; o leoleo fo'i i luma o faitoto'a ua leoleo i latou i le fale puipui.<sup>7</sup> Faauta fo'i, o le agelu a Ie Ali'i ua tu mai, ua pupula mai fo'i le malamalama i le fale; ua na tā ia Peteru i lona itu ma fafagu ia te ia, ua fa'apea atu: "Ia tū ia i luga, ia vave!" Ona pa'u'ū ifo lea o maea nai ona lima.<sup>8</sup> Ua fai atu le agelu iā te ia: "Fusi ia ou ofu ma faamau ifo ou seevae." Ua faapea foi ona faia e ia. Ua na fai atu foi iā te ia: "Ina pulupulu ia lou ofu, ma mulimuli mai iā te a'u."<sup>9</sup> Ona alu lea o ia i fafo, ua mulimuli atu iā te ia, ua lē iloa e ia ua moni le mea ua faia e le agelu, fa te ia ua va'aia se faaliga.<sup>10</sup> Ua mavae i tua ia te i laua le muai leoleoga ma lona lua, ona oo lea o i laua puipui u'amea e o atu ai i le aai, ua matala fua lea iā te i la'ua; Ona la ō atu lea i fafo ma la savavali atu i le ala e tasi; ona tuua loa lea o ia e le agelu.<sup>11</sup> Ua fa'atoa mau manatu ai Peteru, ona faapea lea o ia: "Ua ou iloa nei, e moni, ua auina mai e Ie Ali'i lana agelu ma ua laveai mai o ia iā te au ai le lima o Herota, atoa ma mea uma ua fa'amoemoe ai le nu'u o Iutaia".<sup>12</sup> Ua mafaufau ai o ia, ona alu lea i le fale o Maria le tinā o Ioane, ua igoa iā Mareko, e toatele sa fa'apotopotoina ai, ma latou tatalo.<sup>13</sup> Ua tu'itu'i atu foi o ia i le puipui o le ala, ona sau lea o le tasi teine, o Rosa le igoa, na te asia mai.<sup>14</sup> Ua iloa foi e ia le leo o Peteru, ua le toina le puipui ona o le olioli, a ua momo'e i totonu ma fai atu ua tu mai Peteru i le faitoto'a.<sup>15</sup> Ua fai mai i latou iā te ia: "Ua e valea." A ua ia finau atu pea ia, e moni lava. Ona faapea mai lea o i latou, "O lana agelu ia."<sup>16</sup> A ua tu'itu'i atu pea Peteru; ona tatala lea e i latou, ua iloa atu ia te ia ona matuā ofo ai lea o i latou.<sup>17</sup> A ua tālo atu o ia i lona lima ia te i latou soia le tautala, ona\*\* faamatala atu lea e ia iā te i latou lona ta'ita'iina mai e le Ali'i nai le fale puipui. Ua fai atu fo'i,

"ia outou tala atu ia mea iā Iakopo ma le 'au uso." Ona alu ai lea o ia i fafo ua alu i le tasi mea.<sup>18</sup> Ua ao, ona tele ai lea o le atuatuvaale o tagata tau, pe na fa'apefea Peteru.<sup>19</sup> Ua sa'ili fo'i e Herota iā te ia, ua lē maua, ona fa'amasino lea o ia i leoleo, ma fai atu ia ta'ita'iina i latou ia oti. Ona alu lea o ia nai Iutaia i Kaisareia, ua nofo ai.<sup>20</sup> Ua ita tele Herota ia Turo ma Saitonu; a ua latou ō mai iā te ia ma le lotogatasi, ua latou fa'aoleole atu fo'i ia Pāso lē leoleo i le tofaga o le tupu, ona latou ōle atu lea ia toe lelei ma ia; auā na fagina lo latou nuu e le nuu a le tupu.<sup>21</sup> O le aso fo'i na atofaina, ua ofu ai Herota i ona ofu fa'atupu, ma nofo i le nofoā ua lauga atu iā te i latou.<sup>22</sup> Ona alalaga lea o le nu'u: "O le si'ufofoga o se atua, ae lē se leo o se tagata!"<sup>23</sup> Ona taia loa lea o ia e le agelu a Ie Ali'i, auā ua lē avatu e ia le vi'iga i le Atua; ona atiolaina lea o ia i anufe ua oti ai.<sup>24</sup> A ua tupu le afioga a Ie Atua ma ua fa'ateleina.<sup>25</sup> Ua toe fo'i mai Panapa ma Saulo nai Ierusalemā, ina ua uma o la la fe'au, ua latou o mai ma Ioane ua igoa ia Mareko.

### O Fesuia'iga Tele: O le sola 'ese a Peteru ma le maliu a Herota.

O lenei tusi ua ta'ua o Galuega a Aposetolo ua i'u ona va'aia na o le lua aposetolo, Peteru ma Paulo. Se'ia o'o mai i le taimi lenei, o Peteru ua tele ona va'aia. I le mataupu lenei, ua fa'auma e Luka le tala ia Peteru ae le'i amatalia i le fa'amaoni le tala'iga a Paulo. I le fa'aogaina o se totonugalemū o ituaiga fa'afiafiaga o le tala a Luka e uiga i le "sosolaga tele ua manino lelei ona fa'aailoa mai ai le malosi mamana o lo'o galue e ala i tala o le fesuia'i manino ma suiga.

Muamua o lo'o i ai le suiga mai ia Iakopo iā Iakopo. O le lona tolu o le to'afa na ta'ua e Herota i le Luka – Galuega, Herota Akeripa 1, le atali'i o le atali'i a Herota le Silisili, na fasiotia Iakopo Sepetaio i le pelu, o se tasi o le to'asefulu ma le lua. E leai se mafua'aga ua tu'uina mai. Ae le'i fa'aumaina le mataupu (v. 17), ua manino mai o le ta'ita'i autu i Ierusalemā e lē o le tasi o To'asefulu ma le lua ae o le isi Iakopo, le uso o le Ali'i. Ina ia fa'amamafa le tulaga o latou sa mulimuli ia Iesu ua toe ola ai lana tala (aemaise le maliu maletile a Setefano i mataupu 6 & 7), ua fa'amauina e Luka o lenei fa'asalaina e Herota na faia i le taimi o le Paseka.

O le paoa mamana ma le fa'amasinoga tonu ua fa'aalia i le fesua'iga tele na tupu ia Herota. O le mataupu ua amata i le fa'aogaina o le paoa,



## GALUEGA A LE AU APOSETOLO

fa'amaualuga ma le fa'asauāina, fasiotia ma le saisaia; na i'u i le fa'aeaeaina o Herota o se atua, ma na puapuagatia i se oti fa'alumaina. Maitau o lenei ifo i tupua na tupu i se taulaga fa'alalolagi nei, Kaisaria ma o tagata e le talitonu o ni amapasa fa'apaupau mai Turo ma Saitonu. O se tasi nei o vaega o fa'ata'ita'iga i le Galuega ua fa'aalia ai pe fa'apefea i TagataTuro na ta'uta'ua o Nu'u'ese ona e ifo i tupua i le latou talitonuga. Ma o Turo na ta'uta'ua mo lona tu'inaanau e va'aia se ali'i o se atua (va'ai Esekielu 28).

O le isi suiga ma'ale'ale ua fa'aailoa mai e Luka i'inei o le tuputupu a'e o se 'ese'esega i le va o se fa'apotopotoga laiti ua ta'ua "o le ekalesia" (vv. 1 & 5) ma le to'atele o Iutaia. I le fa'ai'uga o lana Evagelia ma le amataga o Galuega, na fa'aeteete Luka i le fa'amamafaina mai o ulua'i Kerisiano o ni Iutaia ma o lo'o tumau pea o ni Iutaia o lo'o galulue. Ona i le fa'amatalaina o le taupulepulega a le fa'apotopotoga Iutaia i Tama-seko aga'i ia Paulo, ua na ona fai mai o Luka, "ona taupulepule lea o Iutaia e fasioti iā te ia" (9: 23). O lenei i le mataupu 12 ua mafai e Luka ona fa'asino i le fa'asauaina e Akeripa o le ekalesia o se "fiafiaga i tagata Iutaia" (v. 3), ma Peteru ua mafai ona tautala i lona fa'asaoina "mai le lima a Herota, atoa ma mea uma ua fa'amoemoe ai le nu'u o Iutaia" (v. 11). A o fa'asolosolo pea ona fa'aopopo tagata Iutaia e 'au atu i le ekalesia ua tuputupu a'e, o le feitaga'i i le va o nei tagata to'aitiiti ma le to'atele ua amata ona fa'ateteleina.

O nei suiga ma fesuia'iga ua fa'ava'a ai le sola matagofie a Peteru. O le manaia o le fa'atusaina

e Luka o galuega a le Atua i le tala'iga a Iesu ma le ekalesia fa'atasi ai ma le gaoiiga fa'aola mamana a le Esoto o lo'o fa'auauaina i'inei. E pei ona i ai i le Esoto (3: 2; 4: 24 LXX; 14: 19; 23: 32; 34), o se agelu a le Ali'i na fa'atinoa le ta'ita'iga o gaoiiga (vv. 7: 11, 15, 23). O le upu fa'atusi pa'ia mo le taia (*patassō*) o lo'o fa'aogaina fa'ata'alo i'inei ua fa'asino lea i se taia mālū na fa'aogaina e le agelu e fafagu ai Peteru (v. 7) ma le taia malosi a Herota i le fa'ai'uga (v. 23), fa'amanatu mai ai le taiaina o fitafita a Senerivi e le agelu a le Ali'i i le 2 Tupu 19. E pei o le tala o feiloaiga a le Atua ma Isaraelu i le Tusi Pa'ia Eperu (Feagaiga Tuai), o le paoa mamana lava lea e tasi ua fa'aauau ona aumaia e lē gata o le fa'asa'olotoina ma le tau ma sui. O le naunau ai a Luka ma le naunauta'i i nei mea na tutupu ua fetau lelei ma le agaga o le tusi o ana upu mulimuli, fa'amatalaina o le tala'iga a Paulo ua le taofiofia a o nofo fa'asala i le fale o sē e lē fa'alavelavea.

O le toe fo'i mai o Panapa ma Saulo i Anitioka i le mae'a o lo la tala'iga i tagata matitiva i Ierusalem 9V. 25) ua atoa ai le tafaoga na amataina 11: 30. Atonu o le asiasiga lenei, ina ua una'ia Paulo e le 'au "pou tū" (Iakopo, Peteru ma Ioane) e fa'aauau le "manatu i tagata matitiva." ..*fa'auau pea...*

## SAKALAMETA

### Toe Fuata'iga

O Matini Luther sa fuafuaina, i le amataga, e sa'ili e toe fuata'i le Ekalesia i lo le alu 'ese mai ai. Ina ua fa'ate'a'eseina o ia i le 1520, ae ui i lea, sa ia aumai se manatu fa'apea o le tofi a le pope ua tatau ona ave'ese. Sa talitonu o le tofiga ositaulaga o se 'au'aunaga aogā ma tatau i le Ekalesia, ae sa ia te'ea le manatu o suiga o manatu i tua atu ma le pule fa'apitoa. Sa ia finau o Kerisiano uma o mea faigaluega a le Atua, e ala i le vituti o a latou papatisoga. O Kerisiano uma ua vala'auina i le pa'iaiga ma ositaulaga. Pau le

'ese'esega ile va o le au ositaulaga ma isi Kerisiano o la latou fa'apa'iaina e fa'atinoa matafai fa'apitoa, ma le autū o le tala'iga o le Upu. E tatau fo'i ona ave'a ma tala'i, ae sili ona tāua, 'au'aunaga o sakalameta, e leai se a'afiaga tele e aunoa ma le fa'atuatua ma e mana'omia ni a'oa'oga lelei ma le tausiga fa'alafulemū.

Na a'afia e Kalavini ni faiga fa'asakalameta ma sauniga i lona malamalama'aga i 'au'aunaga ae, sa ia te'ea le manatu o le Eukalisitia o se faiga-aulaga, sa ia te'ea le fa'aogaina o le upu (patele)-

## SAKALAMETA

“ositaulaga”. Ua na o Keriso lava ia ma Kerisiano laua’itele ua i ai le aiā fa’atusi pa’ia e vala’auina ai oni - ositaulaga.

I lo le ‘au’aunaga fa’aositaulaga o tapua’iga ma sauniga, o le mea lea, o le au Fa’afou na amataina se ‘au’aunaga fa’alafulemū o le tala’i ma le a’oa’o. O le tusi pa’ia o lenei ua fa’aliliuina mai le Latina ma ua maua e le lautele e ala i le fausiaina o masini lomi tusi, o se auala ua ulufia ai loto ma mafaufau o tagata e le Agaga Pa’ia, fa’alolotoina ai le fa’atuatua ma le taumauga.

E fa’apea fo’i na suia e le au Porotesano le faiga ma le uiga o fa’au’uga e fetauti ma a latou fa’auigaga o le ‘au’aunaga Kerisiano. Ua latou va’aia latou lava ua te’ea se faiga tofi ositaulaga mai tausaga ogatotonu ma ua toe fo’i i ituaiga ‘au’aunaga fa’atusi pa’ia mai tausaga muamua atu.

E malamalamaina, o epikopo Katoliko i le Fonotaga i Trent na puipua a’oa’oga o tu masani i tofiga ositaulaga ma ituaiga ma na tu’ua’ia i latou na te’ea se tofi ositaulaga na fa’avaeina – mamana ma fa’aofi mai ni manatu fou e uiga i ‘au’aunaga. O le tele o mea na talanoa ai epikopo e uiga i ‘au’aunaga o lo’o maua lea ia latou fa’atonuga i isi sakalameta, puipua ai le matafai-oi a ositaulaga i sakalameta ta’itasi.

O la latou fa’atonuga o lo’o puipua fa’apitoa mai ai le sakalameta o tofiga ma le ‘au’aunaga fa’aositaulaga fa’au’uina. Sa latou tausala se isi ua tineia le malosi a epikopo pe fa’apea mai fo’i o ‘au’aunaga o le Upu ma sakalameta e mafai ona fa’apa’iaina e aunoa ma le ioeina a epikopo. E le’i ta’ua e le Fonotaga le nofo taupou

vaganā le fa’atonuga i fa’aipoipoiga, sa toe fa’amamafa maia e fa’apea e i ai le pule a le Ekalesia e fa’asā ona fa’aipoipo ositaulaga.

Na maitauina le tele o fa’aletonu na faitioina e le au Fa’afou ma na taumafai e toe fa’aleleia ia vaega. O Epikopo e toe nonofo ia latou pitonu’u ma sa fa’asaina ona va’aia le sili atu le tasi o se pule’aga. Ona o ni ositaulaga e tatau ona ave ma faife’au, a’oa’o o le Upu ma ‘au’auna o sakalameta, ae lē na o ni fa’atonu fa’aekalesia. Ia latou mautinoa o latou o taumafai mo le tofiga ositaulaga e tatau mo le ‘au’aunaga ma ia a’oa’o fa’alelei. Mulimuli lava, ia va’aia o latou ma a latou vasega o ositaulaga e fai ma fa’ata’ita’iga o olaga tausa’afia ma le fa’amaoni.

O le i’uga mai Trent ma pope na mulimuli mai ai o ni fa’afouga, o ositaulaga ua a’oa’oina lelei. Ole fa’asologa o ‘au’aunaga i le Ekalesia ua tumau e le’i suia. Na fa’aauau e ositaulaga ona pulea isi ‘au’aunaga, e pei o a’oga ma ‘au’aunaga o le galuega alofa. Sa fa’apea fo’i ona fuafuaina e usita’i atoatoa ia latou pule, ona o le usita’i i se ta’ita’i po’o se pule sa fa’atusa lea i le usita’i i le Atua. O tagatā lotu Katoliko sa fa’amoemoeina e fa’aalia lenā fa’aaloalo iā latou faife’au, ona o le Atua na tautala e ala mai i lana Ekalesia ma ole Ekalesia e ala i ana faife’au. O lenei taliaina o le fa’apotopotoga – mamana fa’aavae na maua ai le piriota mai le Trent aga’i atu le Fonotaga Lua a le Vatikanano se alualu lelei o le Ekalesia...*fa’aauau pea...*

## TOE FA’AFOUGA MAMANA

### O LE LOTO A LE TAMĀ

Mafaufau i le fesili lenei: O a tatou fa’anaunaga e maua’ia i mea tatou te manana’o ai *mai* tagata po’o mea tatou te manana’o ai *mo* tagata? O mea tatou te manana’o *mai* tagata o lona uiga o le fa’aogaina o tagata. O mea tatou te manana’o ai *mo* tagata e uiga i le alofa, ma e vaganā oni gaiouga a le Ekalesia ona o le alofa o le a tatou fa’aalia ai le loto o le Tamā i tagata na auina atu i ai tatou.

O Iesu lava ia – i lona tagata, i lana ‘au’aunaga, ma ana a’oa’oga – na fa’aalia lelei ato le Tamā

iā i tatou. E pei ona ia fai atu i le aposetolo o Filipo, “O lē ua va’ai mai iā te a’u, ua va’ai o ia i le Tamā” (Ioane 14: 9). E talitonuina o le alofa a le Tamā ua fa’aalia malosi mai ia i tatou i le fa’ata’oto o le atali’i fa’amaumau ‘oa, o se tala mai le Tusi Pa’ia ua masani ai le to’atele o tatou. I lenei fa’ata’oto, ua tu’uina mai ai e Iesu se va’aiga i le loto o le Atua le Tamā, o se loto mo lē ua leiloa. O fa’ata’oto e lē o ni tala fa’atusa uma. O le tomanatunatuga ua mulimuli mai ai ua fuafuaina e galue i o tatou loto ma fa’amanatu mai

## TOE FA'AFΟΥGA MAMANA

### O LE LOTO A LE TAMĀ

ia i tatou o taumafaiga uma fa'amisionare e tatau ona faia ma fa'aioaina i mea ua fa'aalia i lenei fa'ata'oto.

O le lu'itau i le tofitofiga o se faitauga ua masani ai le Tusi Pa'ia e masani ua uma ona faia a tatou fa'ai'uga ma e lē manatu i ai ma tapunia mo ni va'aiga fou. O le mea lea e taumafai ma soloia mea uma ua e manatu e te iloaina e uiga i le Atua, ma sau i le fa'ata'oto ma se pasina fou e leai se mea o tusi ai. Mafaufau, mo se fa'ata'ita'iga, e te le'i fa'alogo i le Atua a Apera'amo ma Isa'ako ma Iakopo, ma e te le'i fa'alogo i Evagelia. Pau le mea ua e maua o lenei fa'ata'oto.

#### *Sauni e amata?*

#### **O Le Ala a le Atali'i Fa'amaumau'oa.**

***(Faitau Luka 15: 11 – 32) – tu'u atu le avanoa ia outou le au faitau e faitau ai le tala.***

A o tatou amata ona tomanatu i lenei fa'ata'oto, mafaufau ia i latou sa fa'alogo ia Iesu pe na fa'aapefea ona latou talia lenei fa'ata'oto. O latou sa fa'alogo o ni vaega o le aganu'u a Iesu ma sa masani i nisi o moni fa'aaganu'u ua le mauaina e le au faitau i aso nei. Sa latou maitauina lelei, mo se fa'ata'ita'iga, na ave uma e Iesu mea i le atali'i la'ititi. Sa ia fa'atulagaina le tala i se faiga o le inoino i ai lana 'au maimoa, e lē gata i gaioiga a le atali'i la'ititi ae fa'apea fo'i le atalili'i laititi lava ia. O latou sa fa'alogo ia Iesu ua leai se alofa mo lenei tagata e leai se agaga fa'afetai.

A o amata le tala, o le ui'i ua fai atu i lona tamā e avatu lana vaega o le tofi o le 'oa. O le taimi lava lea ua tu ai le atali'i lea i se tulaga'ese i tagata sa fa'alogologo ia Iesu. E masani lava, o le atali'i ulumatua e talia le tofi o le oa, ae lē o le atali'i la'ititi, ma se'i loga fo'i ua maliu le tamā. I le fai atu o lenei fesili, o le atali'i la'ititi mo ia lava ua folafola atu o lona tamā ua oti.

So'o se isi e fa'alogo i lenei tala o le a fa'ate'ia i le amio a le atali'i la'ititi, ae sili atu, o le a fa'ate'ia i le gaioiga a le tamā. I lo le fa'aanu'ua o lona atali'i, falepuipui po'o le fa'asalaina fo'i ile oti, na fa'atagaina e le tamā lona atali'i e tu'ua le aiga ma le afa o lona tofi.

O le taufa'aleaga e pei ona i ai nei fa'amatalaga, ua si'isi'i e Iesu le fa'amatalaga. O le atali'i la'ititi e lē gata ua lē fa'aaloalo ma fa'alumaina lona tamā; a ua ia lē fa'aaloologia lona aiga ma le nu'u o Isaraelu, sa feso'ota'i loloto i le fa'asinomaga lutaia. Ua ia filifili e tu'ua le atunu'u ma ola ai

fa'atasi ma tagata o Nu'u'ese. Ua ia te'ena lona fa'asinomaga o se tagata Isaraelu. E le gata i lea, o le atali'i la'ititi ua olaina se ituaiga o olaga leaga i se atunu'u 'ese sa nofo ai, e lē gata i lea ua fa'a'esea e ia o ia lava mai le Atua ma aumai le māasiasi iā ia lava.

E le gata i lenā, ina ua o'o mai le ōge na tu'uina atu e le atali'i la'ititi o ia lava e faigaluega e fafagaina pua'a. O le taimi tonu lenei tatou te manatu ai i tagata Isaraleu o lo'o fa'alogologo i lenei fa'ata'oto ua le mautonu. O Tulafono a Mose ua va'aia pua'a o ni manu e lē mamā, ma o lenei e lē gata ua vaia e le atali'i ia nei manu ae ua manatu fo'i e 'aia a latou mea'ai. Pau le mafua'aga na lē faia ai, e pei ona fai mai ai le tala, ona e leai se isi na ofoina atu i ai.

Ua toetoe lava e leai se fa'aolataga e uiga i lenei ali'i talavou – vaganā, atonu, o le tulaga na i'u ona filifilia e salamō. O le faitauga lelei o le tala ua fa'alia ai lona "fa'aliliuga" e le'i moni atoatoa. Ua lelavā, vaivai ma fia'ai, ua toe manatu lenei ali'i i le fale a lona tamā ma manatua ai e o'o lava i ana 'au'auna e tele a latou mea'ai. I se isi fa'aupuga, o lona salamō na fa'aosofiaina e lona lava manatu i sona ia lava manuia.

#### ***O ia o se tagata leaga!***

#### **E Sefulu ni Fa'aaliga e uiga i le Tamā**

O se mea malosia na tupu ina ua filifili lenei ali'i e toe fo'i i lona tamā. A o tatou fa'aauau le tala, ua tatou va'aia ua faia e Iesu ni tala e uiga i le tamā ua tu'uina maia se va'aiga o le loto a lona ia Tamā ma ua ofoina mai ai se va'aiga mo lana Ekalesia.

#### ***O Ia E Va'ai i Fafo Atu***

Ua tatou fa'alogo i le fa'ata'oto "Ua iloa mamao atu fo'i o ia e lona tamā" (Luka 15: 20). O lo'o fa'asaga atu le tamā i le lalolagi; ua fa'atulagaina e ia o ia lava ina ia iloa atu lona atali'i a o aga'i mai o ia. E le'i fa'asaga i totonu, mataitū na o fa'afitauli a lona aiga.

I le faiga lava lea e tasi, o le fa'atonu fa'avae a le Ekalesia e tatau ona aga'i atu i fafo. E pei ona fai mai lenei fa'ataoto o Iesu le fa'atonu a le Atua le Tamā e va'ai atu i fafo; o le fa'atonu lenei o le alofa. Sa tatou va'ai i ni tusitusiga sa avatu muamua i le 'ese'esega i le va o le tausiga ma le tala'iga.

Ioe e tatau ona tatou tausia le lafu, ae a tatou



## TOE FA'AFΟΥGA MAMANA

### O LE LOTO A LE TAMĀ

tineia lenei fa'atonu aga'i atu i fafo o se Ekalesia, a tatou fa'aautū a tatou puna'oa ua na o olaga i totonu, o le a tatou mama'i. Ua tatou fa'alogoina āuga o lenei fa'ama'i i lenei aso. E manatua ai le fa'ata'ita'iga i se masini e fai ai kopi ua ova le vevela ma ua leaga, o se fa'atusa o palisi ua liliu i totonu ia i latou lava. O lenei va'ai i totonu e masani ai ma e malosi fo'i. Ae afai tatou te fuafuaina i le tausia pea o se tulaga fa'amisionare, e tele mataupu o le a tauva mo la tatou va'ai o ni ta'ita'i o le a tatou maua i le vaivai ma le lelavā ma o le a leai ai ma se mea e totoe mo latou mai fafo atu. O le va'ai i totonu e masani o se faiga masani i totonu o la tatou Ekalesia. O lenei auala ua mafaufau ai o se fa'afitauli ma se fa'aailoga o le fa'a'auto aga'i i totonu. A mata'itū Kerisiano aga'i i totonu i lo le va'aa'i atu aga'i i fafo atu, o a tatou popolega ma talanoaga o le a lē lelei. E lē maofa ai o tagata i fafo atu o le lalolagi Katoliko o le va'ai i le Katoliko i luga o tafa'ilagi, o le a latou va'ai i ai o se nofoaga e lē tosiga i ai i latou, tau'ave faitioga, fa'amasinoga ma le fetaua'i. E le tatau ona ai fa'apenā. O le suia o le mea e aga'i i ai o lona uiga o le suia mai se va'aiga aga'i i totonu i se va'aiga atu i fafo.

#### E Mataala o Ia

E le gata na iloa atu e le tamā le atali'i, ae sa va'aia o ia mai se mamao tele atu. I se isi fa'aupu-ga, e lē gata o le tamā sa fa'atonu i fafo atu; sa ia su'esu'e le mamao. E lē o se pupula fa'atalafu. O le tamā o lo'o fa'alogo lelei: o lo'o ala o ia ma o lo'o va'ava'ai. Tatou te mafaufauina o ia ua a'e i luga o le taualuga o lona fale ma autilo, ma na iloa atu lona atali'i ina ua latalata mai.

Po o fa'aa'utū la tatou va'ai i ni ali'i ma tama'ita'i ua toe fo'i mai i le Atua? Po o tatou mataala? A o tatou saili?

O le manatu e uiga i le mataala o se lu'itau mo tatou o ni tagatā palisi ma pule'aga. E o'o lava ona tatou va'ai i fafo atu, o nisi o taimi o le mamao tatou te o atu ai ua na o le faitoto'a i luma po'o le nofoaga e paka ai ta'avale. O le pupula a le tamā, e ui i lea, ua va'ai atu i lona atali'i a o *mamao atu lava* o ia. O le a le uiga o lona mea mo i tatou o se Ekalesia a o tatou tomanatu i le vala'au e avea ma misionare?

#### Ua Mutimuti Alofa o ia

Ua ta'u mai e le Tusi Pa'ia iā i tatou ina ua iloa mamao atu fo'i o ia e lona tamā "*ona mutimuti*

*vale lea o lona alofa*" (Luka 15: 20). O le upu ua fa'aogaina e Luka na sau mai nauna Eleni *splankna* ma o lona uiga o totoga i totonu o le manava. O se upu o le fa'alogo'aga i le Tusi Pa'ia, o lo'o fa'asino i se mea ua tupu e lē o le fatu ae i le lololoto i totonu o tatou tagata. O se upu e faigatā ona fa'aliliu ae o se upu ua fa'aoga fo'i e Luka e fa'amatala ai le gaioiga a le fatu a le Atua i le *Benedictus*, le Pese a Sakaria.

*Ona ua mutimutivale le alofa o lo tatou Atua ua asi mai ai le malamalama mai lugā* (Luka 1: 78, Sauniga o le Itulā).

Na toe fa'aogaina e Luka lenei upu e fa'amatala ai le mutimuti alofa a le Samaria agalelei i lenā fa'ata'oto (va'ai Luka 10: 33). O sina suiga o le upu ua fa'amatala ai mea na iloa e Iesu ina ua ia va'ai atu i le motu o tagata ua pei o ni mamoe ua leai se leoleo mamoe (va'ai Mataio 9: 36). Ma ina ua ia feiloa'i atu i le fafine ua oti lana tane i Naina, *esplanknisth* – "ua mutimutivale alofa o ia" (Luka 7: 13). O le mea moni o le agalelei a Iesu i lana 'au'aunaga o se āta va'aia o le loto o le Atua le Tamā.

I le va'aiga i lenei, e tatau ona fesiligia i tatou lava o se Ekalesia – o se pule'aga ma palisi – pe tatou te popole? O lenā popolega e moni ma loloto? Pe ua tatou alofa mutimutivale i puapuagatia a tagata ua leiloa? E i ai taimi tatou te lē mafana ai i le fa'aogaina ole upu "leiloa" e fa'amatala ai tagata e leai se feso'ota'iga ma Iesu po'o le Ekalesia. E foliga mai o lo'o tatou fa'amasinoina i latou. Ae ao ona fa'amanino lelei, e ma'o'e atu ia i tatou e pei ona i ai, ona tatou fa'amasinoina isi, ma fa'atonu a latou mafutaga ma le Atua, pe valo'ia o latou taunu'uga e fa'avavau. Ae ui i lea, ua tatou iloina o Iesu e faia le 'ese'esega i lenei lalolagi ma le isi. I lona fa'avaeina lava, na faia i tatou e le alofa, i le alofa, ma mo le alofa. Ua fuafuaina o tatou loto ina ia talafeagai ma le loto o le Tamā. O Iesu o le fa'aailoga o le Tamā, ma tatou te o i le Tamā e ala atu iā Iesu, o tagata uma ua leiloa vaganā ua tatou taunu'u i le "aiga" i le alofa a le Tamā. Iā Iesu ua tatou mauaina ai o tatou fa'asinomaga loloto, o tatou mafua'aga moni ma o tatou taunu'uga silisili. I fafo mai o Iesu, ua tatou ola ai i le leai o se feso'ota'iga mai na mea ma o le a lē mafai ona fa'ataunu'uina o tatou fa'anaunaga loloto mo le filemū, alofa lelei atoatoa, fa'amagaloga – o nei moni uma ua maua i le aiga a le Tamā.

## TOE FA'AFΟΥGA MAMANA

### O LE LOTO A LE TAMĀ

O le fa'aogaina o le upu "leiloa" ua atagia mai ai le gagana a Iesu lava ia: "Auā ua sau le Atali'i o le tagata e sa'ili ma fa'aola i lē na leiloa" (Luka 19: 10). E fa'amalosi'auina i tatou e tatalo ma le Tusi Pa'ia ma sau i luma o le Tamā ma talosaga atu i ai e fesoasoani ia i tatou i le filemū ma le gagana ua fa'amatala ai le ūte o le tala'iga a Iesu.

Ona o se Ekalesia, e tatau ona tatou mata'itū – fa'aosofiaina – e le manatu o le to'atele o tagata ua taumamao ma le Atua ma e le'i nofoia le fale a le Tamā.

#### Ua Alu Atu o ia i le Atali'i

E pei ona tatou faitau ai i le tala, e le'i fa'atali le tamā mo lona atali'i e tu'itu'i mai i le faitoto'a, pe na o na alu atu i le atali'i; na tamo'e atu iā te ia. O se gaiōiga e lē mamalu lea mo se fa'auluuluga o se aiga i taimi anamua, aemaise lava ona o le atali'i o se leaga silisili.

Pe o tatou o se Ekalesia e tamomo'e atu iā i latou ua aga'i mai iā i tatou, pe ua tatou malilie na ona talai o faitoto'a o le Ekalesia ma fa'amoemoe o latou o lo'o i fafo atu o le a gasolo mai i totonu? E masani o le tele o palisi lelei ua faia le mea mulimuli, e lē māiloa o vaega ua taofiofia ai tagata e o mai i totonu o palisi e telē atu i lo mea ua va'aia. O lo'o tatou fa'apea atu i le lalolagi, "Matou te lē o atu iā outou; e mafai ona tou o mai iā i matou." Ua toetoe lava ona manatu ifo o latou e lē o i ni lotu pe talitonu fo'i e avea ma misionare, i lo le Ekalesia. "Tu'u a outou sone mafana ae o mai iā i matou," ua tatou fai atu i se a'afiaga iā i latou i fafo atu. "Matou te lē tu'ua le mafana o a matou nofoaga ma o atu ia te outou."

I lo le fai atu iā i latou o lo'o i fafo, o mai i totonu; o le mea tatou te faia o se Ekalesia o le tatala o faitoto'a ma fai atu i tagata o lo'o i *totonu*, e o i fafo! Ioe e lē o le mea lenā tatou te faia i le fa'ai'uga o Misasa uma lava? O le *missa* lenā!

O le uiga o le upu - o le auina atu – *ite missa est* – e masani o upu mulimuli o le Misasa. O i'ina

tatou te maua i ai le a'o o le upu "Misasa" (mission – misiona po'o le tala'iga). I le fa'ai'uga ta'itasi o le patipatia o le Eukalisitia, ua tatou te matua'i fai atu i le Ekalesia a le Atua, "O atu i tagata. 'Au'auna atu ia i latou i le alofa, tausi ia i latou, fa'auō ia i latou. Ae a fesiligia oe e tagata mo mafua'aga o lou fa'amoemoe, tali atu i ai, 'Sau ma va'ai,' ma vala'aulia i latou e toe fo'i i aiga.

E manatu o le fa'atusa o se va'a fagota, o se mea e moni ona tatou te masani i tagata faifaiva ma va'a fagota. Mafaufauina le Ekalesia, vala'auina e Iesu e avea ma faifaiva i ali'i ma tama'ita'i, o se fuāva'a a le au faifaiva. O se tasi o a tatou fa'amoemoeaga autū o le o atu e tapu'e mai tagata, e pei o latou na ulua'i mulimuli ia Iesu sa fagotaina i'a i le sami o Kalilaia. I lo le o atu i le loloto ma tu'u i lalo a tatou upega, ua noanoatia i tatou i luga o le uāfu. Ae afai tatou te mauaina ni i'a, ona o lena i'a ua sē mai i le uāfu, o le a tatou fa'apea a'e, "o i tafefē o le a lenā mea?"

O le mea moni lava tatou te lē iloaina po o le a le mea e fai i lenā ituaiga o i'a i lo le toe ato i se polokalame mo Katoliko ua toe fo'i mai (RCIA) po'o se isi polokalame fa'apea. O le Ekalesia ua pei o ni va'a fagota e lē o lava i le sami! O se fa'afitauli tele lenei, ae ua tatou va'aia ni suiga lelei.

E i ai palisi ua iloaina e ui e tele nisi o latou tagata o lo'o faia ni fa'aevageliaina, ae o se palisi ua avea lava i latou o ni fa'asinomaga. Ona o se tino, ua galo iā i latou le uiga o le tala'iga. O lona i'uga ua va'aia le palisi e lē tāua i tagata i tua atu ma ua fa'amasino fo'i. I le tatala atu ma fa'aulufale mai tagata o le a avea ai palisi e lē gata e pa'ia ae fa'apea o se misiona fa'atatau. I lo le lokaina o latou lava i se fa'apotopotoga pa'ia, o suli a le palisi ua fa'ateleina ona tomanatu i le finagalo o le Tamā ma o atu iā i latou o lo'o i fafo atu...  
*fa'aauau pea...*

## TATALOINA O LE MISASA

### O tatou tatalo pe a tatou patipatia le Misasa?

A o tatou laiti sa tatou fa'alogi i le fa'aupuga, 'o le Misasa (po'o le Eukalisitia) o le tatalo sili i tatalo uma. Ua totō i o tatou tu masani Katoliko

lea. O le Misasa **O LE** tatalo. O le tatalo aupito sili lea.

**Aiseā ua tatou faia ai lenā tala? O le a le Misasa?**

O le Misasa o le o mai fa'atasi o le fa'apotopotoga o le au papatiso, latou ua fa'asoa fa'atasi lo latou fa'atuatua ma ua tatou o mai fa'atasi e patipatia le vaega autū a lo tatou fa'atuatua; le maliu ma le toetu o Iesu, le mea ua tatou ta'ua o le misitelio fa'apaseka. O Misasa ta'itasi, o le Eukalsitia ta'itasi o lona uiga o le maliu ma le toetu o Iesu. O lenā mea na tupu, o le va'aia e pei o se fa'ata ua iloa atu ai o a tatou lava maliu ma toetu. O le va'ai i lenei misitelio, ua tatou malamalama ai o ai i tatou ma o tatou o ē mulimuli ia Iesu. O le mafua'aga maualuga o le Misasa po'o le sauniga o le vivi'i lea ile Atua. O lona matua'i mafua'aga lava e uiga i le Atua, ae le o tatou. E faigofie mo tatou ona mafaufauina le sauniga e uiga i mea ua tatou faia, ae o le Misasa o lona uiga o mea ua faia e le Atua i o tatou olaga. Ua vala'auina i tatou e mafaufau loloto i le fesili, 'o le a se mea tatou te tu'uina atu i le Atua e faia ma i tatou?

### **O le a le Tatalo?**

O le tatalo o le si'i a'e lea ole mafaufau ma le loto i le Atua. E tolu upu tāua; si'i a'e, mafaufau, Atua. O tatalo o le si'i a'e po'o le liliu atu o tatou, le ogatotonu o tatou tagata, mafaufau ma le loto, aga'i i se iloaina o le Atua.

### **O ai e tataloina le Misasa?**

O tatou o tagata e tataloina le Misasa, ma tatou te tataloina ma Keriso ma iā Keriso ma e ala iā Keriso. O Keriso o le 'autū lea, ole ogatotonu o a tatou faigatalosaga. Atonu e masani ona galo ia i tatou, a tatou o mai fa'atasi, o Keriso o lo'o fa'atasi ma i tatou ma o lo'o filofilo ma i tatou, ma tatou te i ai pea i'ina i le suafa o Keriso, o sē ua tasi ma Keriso, ma e ala ia Keriso ua tatou tatalo ai i le Tamā.

### **O fea o i ai le Atua i le sauniga?**

O le Atua o le amataga o faigatalosaga uma. O le Atua ua aumaia fa'atasia i tatou, o le Atua ua fa'apotopotoina i tatou. I le taimi lava lea e tasi, o le Atua o le muta'aga silisili o lo'o fa'asino i ai a tatou faigatalosaga ma i le Atua ua tatou potopoto i ai. I le taimi lava lea e tasi, o le Atua o le i'uga tele ua aga'i i ai a tatou tapuaiga. O mea uma ua mata'itū i le Atua. O le sauniga o le nofoaga autū lea o le feiloa'iga a le Atua ma tagata. O se faitaulaga sa fa'asino i se āta na tusia e Michelangelo i le tualuga o le tama'i malumalu i Roma, ua fai mai i lenā āta o le Atua o lo'o foafoaina Atamu, o le avanoa i le va o le tama'ilima o le

Atua ma tama'ilima a Atamu ua fa'aailoga ai le avanoa e faia ai le sauniga. O le sauniga o se nofoaga o le feiloa'iga i le va o le Atua ma tagata o le Atua. E masani e lua vaega o le sauniga, o le tū sa'o i luga ma le alu fa'alava. O la tatou feagai ai ma le Atua ua fa'aailogaina i le tū sa'o, ma o la tatou va feagai ai ma fa'apotopotoga, ua fa'aailogaina i le alu fa'alava.

### **O le 'au ai, ma tataloina o le sauniga o le mea lava lea e tasi?**

E mana'omia se uiga mai totonu aga'i atu i mea ua tatou faia i le sauniga po'o le Misasa. Afai tatou te 'au ai ona na fa'atonuina i tatou e se isi e 'au ai, pe ina ia fa'amalieina ai mana'oga a se isi tagata, ma tatou te lē 'au ai atoatoa ma le sauniga, e faigatā ona ta'ua o tatalo. Manatua o tatalo o lona uiga o le suia o le loto ma le mafaufau. O le a ta'ita'ia ai i se fa'alog'aga fa'aletagata le loto.

### **O le sauniga e liua, o lona uiga o le suia?**

A tatou o mai i sauniga i le agaga tatalo, o le sauniga o le liua. Afai tatou te o mai i le Misasa ona o lo'o tatou faia mea e manana'o i ai o tatou aiga po'o a'oga ae aunoa ma le au ai i le loto ma le agaga atoa, e lē liua, ma, e mafai ona i'u ona fa'aleagaina. O lo'o i ai se itū fa'alaua'itele i le sauniga, ae e tatou te mana'omia se fa'anaunauga mai le loto ina ia liua ai le sauniga. E mafai ona faia uma le matagofie, iseso ma sauniga 'ese'ese, teu fugala'au ma musika, ae aunoa ma le 'au ai o tatou tagata ma loto, tatou agaga, e noa uma lava. E fa'apefea ona tatou 'au ai mai totonu i o tatou loto i sauniga e tāua tele?

### **O le a le tulaga a le fa'apotopotoga i lenei talosaga fa'asauniga?**

O le 'au ai o tagata ta'ito'atasi e si'itia ai le 'au ai o fa'apotopotoga. Ona o tatou o ni fa'apotopotoga tatou te lē o potopoto mai o ni tagata ta'ito'atasi. O le Misasa e lē o se tatalo tuma'oti a se to'atasi. E le o se faigatalosaga a se kulupu. O se faigatalosaga a se fa'apotopotoga tatalo ua potopoto o se fa'apotopotoga po'o se nu'u – o se tatalo fa'afa'apotopotoga a ni tagata ua potopoto, le fa'apotopotoga o latou ua papatisoina. Ma o mea e mana'omia e le Ekalesia, e pei ona fai mai le Vatikano 2, o le 'au ai atoa a le fa'apotopotoga i le malosi ma le malamalama. O le fa'apotopotoga atoa ua vala'auina i le au ai atoa i le malamalama ma le malosi. O le mea lea e tatau ona tatou galulue pea i ai, ona e i ai lava le fa'aosoosoga e faia ta'ito'atasi. O se uiga fa'aletagata e mana'o e



## TATALOINA O LE MISASA

fai to'atasi, aemaise o tatou taimi, ae ua vala'au le Atua iā i tatou ma lavea'i i tatou o se fa'apotopotoga, o ni tagata. O le sauniga ua lu'itauina ai i tatou e avea ma fa'apotopotoga – o se fa'apotopotoga tatalo.

O a ni auala 'ese'ese ua tatou tatalo ai i taimi o Misasa?

O le tatalo o le si'i a'e lea o le mafaufau ma le loto i le Atua. E tele auala 'ese'ese ua tatou fa'atinoina ai tatalo i Misasa.

### O le lēleoa

Ua tatou si'i a'e o tatou mafaufau ma loto i le Atua i le leai o se pisa. O le tatalo lēleoa o se vaega tāua lenei o a tatou tatalo ma o se vaega tāua o le sauniga. O lo'o fa'amalosia mai e le tusi o sauniga lenei, ae masani tatou te lē amana'iaina. O le leai o le leo po'o le leai o se pisa ua tatou maua ai avanoa mai totonu ua tatou mana'omiaina e fa'alogoina ai le afio ai o le Atua.

### Pesepesega

O le faia o pesepesega e mafai ai ona sui ai tatou mai totonu – o le pese o le tatalo, e pei ona fai mai ai Sagato Aukusitino, 'latou ua pepese ua tatalo fa'alua.' Peseina po'o le tolaulauina o Salāmo o se isi lea auala e si'i a'e ai o tatou loto ma mafaufau i le Atua. E tataua ona tatou taumafai e totō le fa'anaunauga mo Salāmo. O tatalo na tataloina e Iesu. I se isi auala o tatalo o le olaga i aso uma.

### Litania

O Litania ua fa'aogaina i sauniga ma e tolaulauina pe pese fo'i, e mafai ona si'itia a'e o tatou mafaufau ma loto aga'i i le malamalama i le afio ai o le Atua. Ua fa'aopoopo le matagofie iā tatou tatalo. O le Tama'i mamoe a le Atua o se litania ma e i ai fo'i ma le litania a Sagato i le Sauniga Afiafi i le Eseta ma le sauniga o papatisoga. O le Tatalo a le au Fa'atuatua o se litania ma e lelei fo'i pe a peseina pe tolalauina. O ni vaega o talosaga ua tatou aumaia i le Atua i tatalo ona o tatou, le 'au papatiso, ua vala'auina e tatalo mo tagata uma ma mea uma.

### Vala'auina e tatalo: Tatalo Fa'aperesetene

E i ai tatalo fa'aperesetene; tatalo amata, tatalo i luga o mealofa ma tatalo fa'ai'u. O tatalo nei a le fa'apotopotoga o lo'o ta'ita'ia e le ositaulaga o lo'o ta'ita'ia le sauniga. Ua a'afia uma ai ma se vala'aulia, 'ia tatou tatalo,' o se taimi mo le leai

o se pisa, se fa'amoemoega ma fa'ai'u i le Aemene.

### Tatalo o le Eukalisitia

O le tatalo o le Eukalisitia o le tatalo o le fa'afetai molia ma vivi'iga ua folafolaina e le ositaulaga ma ua tataloina e tagata. O lona amataga e mai le tatalo o le Paseka Iutaia ina ua tatalo Iesu i le po i luma mai o lona maliu. Sa ia fa'ae'eina lenei sauniga i se uiga fou. A fai lelei lenei tatalo, o le a fa'atasi atu i ai mafaufau a tagata ma tatalo ai i le lēleoa fa'atasi ma le ositaulaga.

### Talanoaga

Ma o lo'o i ai talanoaga. I se manatu o le Misasa atoa o se talanoaga tatalo. E tautala mai le ositaulaga ona tali atu lea o tagata. Ia fa'atasi le Ali'i ma outou o se talanoaga. O upu ae le'i faitauga le Evagelia o talanoaga. O le tatalo o le Eukalisitia o se talanoaga tatalo. E fesoasoani nei mea e si'i a'e ai o tatou loto ma mafaufau i le Atua.

### O le Tatalo a le Ali'i

O le tatalo ale Ali'i o se fa'ata'ita'iga fa'atauva'a o tatalo na aumai e Iesu ia i tatou. Ua a'afia ai i sauniga uma.

### Tatalo Fa'aletino

O tatalo ua tatou ta'ua o sauniga ua feso'ota'i uma ai o tatou fa'alogona; o tatou mata, o tatou loto, o tatou fa'alogo'aga, fa'alogo'aga o le manogi, o tatou tino ma o tatou taliga. Tatou te laututū, tatou te nonofo, tatou te faia gaioga 'ese'ese. O nei mea uma e mafai ona avea ma vaega o le si'i a'e o tatou mafaufau ma loto i le Atua. E mafai ona avea ma vaega uma o a tatou tatalo.

### Fa'apotopotoga – le i ai tino.

A tatou potopoto mo le sauniga e lē na ona tatou tolaulauina atu. E mafai ona tatou mafaufauina le fa'apotopotoina o se vaega o a tatou tatalo: o se taimi ua mafai ai ona tatou faia lenā fesui'ina mai totonu, si'i a'e o tatou loto, ma iloaina ua tatou potopoto ma lenei fa'apotopotoga ma ua tatou potopoto ona o Keriso. O a tatou o mai fa'atasi ia Keriso o se faiga e pa'ia. A tatou taunu'u i le falesa ua tatou sausu o tatou lava i le vai o le papatisoga. E fui o tatou tama'ima'ili ma i le vaisā o se fa'alauiloaina ua tatou o mai fa'atasi o se fa'apotopotoga. A o tatou faia lenā, tatou te manatuaina o ai i tatou, o ni tagata ua papatisoina ma ua fa'apotopotoina e le Atua o ni

## TATALOINA O LE MISASA

tagata. O le fa'atinoina o le fufui i le vaisā ua avatua i tatou i tua atu o le gaoiga i se iloaina ma talisapaia o ai i tatou. E lelei pe afai tatou te faia lenei i se aula e fa'avavevaveina, ilaoina lelei ina ia tautala mai lea gaoiga iā i tatou.

### **Fa'alogo**

O le fa'alogo o se ituaiga o tatalo. E tatau ona fa'amauiina o tatou taliga ina ia tatalo – e mafai ona tatou fa'aigoaina o le tatalo o le fa'alogo pe a tatou fa'alogo i le upu a le Atua, mo se fa'ata'ita'iga. E fesoasoani e fa'agaioi la tatou malamlama'aga i tatalo, 'ese mai le mafaufau e tatau ona faia se tala po'o le 'ai'oi atu i le Atua mo ni mana'oga.

### **Va'ai**

O le va'ai o le tatalo fo'i. Mo se fa'ata'ita'iga a tatou fa'alogo lelei, pe a tatou va'ai atu i lē e foloafolaina le Upu o savali atu i se auala mamalu ma le agalelei. E mafai ona fa'aeaea ai o tatou loto ma mafaufau i le Atua ma o le faiga fa'atauva'a o le gaioi ma le va'ai po'o le matamata e mafai ona avea ma tatalo. E le tau faia ni upu e tatalo ai. E mafai ona tatou tatalo, i le si'i a'e po'o le liliu o tatou mafaufau aga'i i le Atua.

## FAITAUGA MO LE MASNA O IULAI – 2022 – TAUSAGA C.

### **ASO 3 IULAI ASO SA 14 TAUSAGA MASANI:**

Faitauga muamua: Isaia 66: 10 – 14. Matua: 'Ou te fa'atupuina le manuia iā Isaraelu e pei o le vaitafe.

Salamo: 66: 1 – 3 (tali), 4 – 5 (tali), 6 – 7 (tali), 16, 20 (tali). Tali: Le lalolagi uma e, ia outou alalaga atu i le Atua.

Faitauga lona lua: Kalatia 6: 14 – 18. Matua: O a'u 'ou te tauave fa'ailoga o le Ali'i o Iesu i lo'u nei tino.

Aleluia, Aleluia...O a'u nei o le malamalama o le lalolagi; o lē mulimuli mai iā a'u e iā te ia le malamalama o le ola...Aleluia!

Evagelia: Luka 10: 1 – 12, 17 – 20. Matua: E o'o atu iā te ia la outou fa'amanuiaga.

### ***Tofitofiaga o le Upu:***

'A e peita'i 'aia tou te olioli i lenei mea, ina ua usiusita'i agaga ia te outou; a ia olioli ona ua tusia o outou igoa i le lagi.' O lo'o manino lelei mai Iesu ma e lē fa'afiufiu. O le to'afitusefulu – lua ua auina atu ta'ito'alua e sauni tagata mo Iesu. Na vave ona o'o i latou i ni fa'afitauli o le talitonuina ia i latou lava, olioli i mealofa a le fa'aleagaga ua fa'amanuiaina ai i latou. Ua fiafia i le mana. Atonu o le uiga lenei na lapata'iina ai i latou e Iesu ae le'i auina atu – ua auina i latou e pei o ni mamoe i le va o luko. O lo'o i ai lava se finauga mai totonu mo tatou uma i le Ekalesia; e i ai lava le uiga e pei oni luko, ua tatou fiafia i le paoa ma le fa'atosinagaga, le ta'uta'ua ma le pule. Ae o Iesu ua auina atu i tatou ia avea ma mamoe; vaivai ma a'afia gofie. Ua vala'auina i tatou ma auina atu e ofo atu le a'afiaga i tagata, ma ofo atu ia i latou le atoaga o a tatou tagata soifua ua aumaia le fa'amalologa ma le filemū. Tatou te lelavavā i lenei faiga ona tatou te manana'o i ni i'uga ua va'aia ni fua: 27 pasene le fa'aopopoina o tagata e 'au atu i sauniga i falesa, fa'afetai i se fa'amaopopoga maualuga ma le fa'aupuga fa'atosiga. E ui i lea tatou te lē galulue fa'apena, e le'i auina atu i tatou ma ni fuainumera

ua fuafuaina, ua auina atu i tatou ma ni fuainumera ua fa'atulagaina, ua auina atu i tatou ma se fa'atonuga fa'atauva'a; ina ia fa'amaloloina i latou ua mama'i ma fa'ailoa atu i tagata o le malō ua latalata mai. Ua tatou faia lenei ave'eseina o le paoa ma ala a le luko. Va'ai ia Paulo, 'A o a'u, 'aua nei ou mitamita i se mea, tau lava o le satauro o lo tatou Ali'i o Iesu Keriso.' O lenei tagata o se tasi ua iloaina le o'ona ma le manogi o le paoa ma ola ai le ituaiga o olaga na alu fa'atasi ai. Na fa'atausua'i Paulo i le vaivai o lona tagata soifua ua to'esea ua leai se mea. A tatou feiloa'i i tagata ma sa'ili e au-mai le filemū i o latou aiga ma tatou, a tatou vala'au i le suafa o Iesu i mea uma tatou te faia ma avea ma a tatou, ua atili ai ona si'itia i tatou o ni tagata ma tatala atu i avanoa mo fa'alavelave mamana.

### ASO 10 IULAI ASO SA 15 TAUSAGA MASANI:

Faitauga muamua: Teuterenome 30: 10 – 14. Matua: Ua matuā lata mai lava le upu iā te oe, ina ia e faia.

Salamo: 69: 13, 16 (tali), 32 – 33 (tali), 35 – 36 (tali). Tali: Ia outou sa'ili i le Atua, ona fiala ai lea o outou loto.

Faitauga lona lua: Kolose 1: 15 – 20. Matua: Na faia e ia mea uma lava.

Aleluia, Aleluia... O a'u nei o le malamalama o le lalolagi; o lē mulimuli mai iā te a'u, e iā te ia le malamalama o le ola... Aleluia.

Evagelia: Luka 10: 25 – 37. Matua: O ai fo'i le tagata ma te tuā'oi.

#### ***Tofitofiga o le Upu:***

'Ina alu ia, ma ia e fa'apea ona fai'. Ua fa'amatala e Iesu le tala o le Samaria agalelei. Ua matuā manino lelei i le tali atu i le loia 'o ai la'u tuā'oi?' E faigatā tele ona fa'atino le agaalofoa i tagata uma. E faigatā ona faia ni gaoiiga o le agalelei i isi tagata ua fa'atigā mai iā i tatou po ua latou fa'aleagaina i tatou. E faigatā tele fo'i iā i tatou ona tatou fa'amaoni mo i tatou lava e uiga i le ita ma le inoino i le loloto o tatou lava. O a tatou vafeagai ai e lavelave, e lavelave i le taimi ua tatou amatalia ai. A fa'atigā mai nisi, leai se fa'aalologia pe fa'amanu'alia mai i ni auala e lē mafai ona taofiofia. O se i'uga mai ni tigā na maua muamua, o a tatou fa'amagaloga ma le agalelei o le a fa'aititia lona lautele. O tagata e atoatoa lo latou fa'aalologia, lelei, fa'amaoni ma o ni tagata e alolofa e mafai ona latou tauavea le anoanoa'i o le inoino, ioe, inoino ma le ita, mo latou ua afaina le vafeagai ai. O le tala a Iesu e lē fa'auigaina i se tagata lelei o lo'o faia ni uiga lelei pe afai o tagata sa tatau ona iloaina le mea e tatau ona fai ua fepasi ane. O le tala a Iesu o lo'o lu'itauina ai i tatou ina ia agalelei ma alofa ia i latou e masalomia tatou te manana'o e ave'ese atu ma lenei lalolagi. Ia amiotonu, o lo'o i ai ni tagata fa'apenā i o tatou olaga. E lē lava le faia na o se lelei ua lava ia i latou ua tatou lē fiala i ai. Ua ta'uina mai iā i tatou ina ia tatou maua le ola e fa'avavau e tatau ona ave'ese atu o tatou inoino, ita ma le tigā. O mea fa'apenei e lē mafai ona ulufale atu i le lagi. Atonu e lē maua ni avanoa e tete'e atu ai i o tatou loto fa'apenei ae o aso ta'itasi ua maua ai ni avanoa e tu'u atu ai i latou ua tatou inoino atu i ai i le afio ai o le Atua. O nei inoino ma tigā ua mae'a ona tutu'i i se koluse i le tino o Keriso. E le tatau ia i tatou ona matata'u e mafaufauiina na mea, e lē mafai ona tatou toe fa'atigā tele ia Keriso, ua na o tatou lava i le lē talitonuina o lona maliu na mo la tatou filemū.

### ASO 17 IULAI ASO SA 16 TAUSAGA MASANI:

Faitauga muamua: Kenese 18: 1 – 10. Matua: 'Aua nei e maliu loa iā te a'u lau 'au'auna.

Salamo: 15: 2 – 3 (tali), 4 (tali), 5 (tali). Tali: Le Ali'i e, o ai ea e nofo i lou fale fetafa'i?

Faitauga lona lua: Kolose 1: 24 – 28. Matua: O le mea lilo sa natia talu mai i tupulaga ua mavae, ua fa'aalia mai i ona tagata pa'ia.

Aleluia, Aleluia... O a'u mamoe e fa'alogu mai i latou i lo'u leo, ua 'ou iloa fo'i i latou, ua latou mulimuli mai fo'i iā te a'u... Aleluia.



Evagelia: Luka 10: 38 – 42. Matua: Ua talia o ia e Mareta i lona fale.

***Tofitofiga ole Upu:***

A tatou manatu ia Mareta ma lona mapusela mata'ina i taimi uma e solo ai le laulau ma ao uma 'ese ipu ma sasa. O lo'o tagi mai ana gaioiga 'maitau mai a'u'. E masani ona mata'ina pe a e feiloa'i atu i se tasi e pisi tele lava, taimi e alu atu ai i lea fonotaga i lea fonotaga ae va'aia lava le to'a ma e lelei le fa'atasi atu i ai; e to'a filemū. E lē moni lea mo latou e tutusa le pisi ae leai se to'a filemū mai totonu ma se filemū ua sau mai taimi ua fa'aalu i le leai o se pisa ma le to'afilemū. E mafai ona va'aia o se vālea maoa'e a ni au tala'i ua tautatala e uiga i le mana'omia mo se filemū ma le lē gaioiā i tagata e anoanoa'i mea e fai ma ni olaga vevesi ma le lē mautū. Ae ui i lea, e tatau ona i ai se ki e taofi ai. O se tasi o fiafiaga mo tatou i nei vaiata o ki e taofi ai ni polokalame i luga o TV. Tatou te mana'omia ni ki fa'apenei mo tatou lava. E lē misia ni mea, e lē ma'imauiina fo'i ma taimi. O tatou uma e tatau ona taumauga ni taimi i o tatou aso e filemū ma leai se pisa. O le tau e mata'utia; o le a maua i tatou i le to'afilemū, leai se vevesi, tele le onosa'i, iloaina lelei o isi ma i tatou, ma e ao ona avea tatou ma ni tagata pa'ia. I lo le fa'atali mo ni aso malolo po'o ni avanoa, i lo le avea ma mativa ma le lēlavā, o taimi ua fa'aalu ma Iesu o le a avea i tatou ma 'ele'ele lelei ma fua tele mai. E fa'apefea ona tatou fa'amoemoe e iloaitino le mea e tāua mai mea fa'avalevālea? E fa'apefea ona tatou fa'amoemoe e feagai atu i mea e le'i fuafuaina ma le malaia? O lo'o i ai le fa'avalevālea o lo'o toe fa'aolaolaina mai le ola, ua tatou saosaoa tele. Ua tatou lēlavavā ma ua vaivai ua tele le fa'aletonu. Malolō, 'aua le gaioi, e i ai lava le taimi mo le Atua.

**ASO 24 IULAI ASO SA 17 TAUSAGA MASANI:**

Faitauga muamua: Kenese 18: 20 – 32. Matua: 'Aua ne'i to'asā mai le Ali'i, a se'i o'u fai atu.

Salamo: 138: 1 – 2 (tali), 3 (tali), 6 – 7 (tali), 8 (tali). Tali: Le Ali'i e, o le aso na 'ou vala'au atu ai iā te oe, ua e tali mai ai iā te a'u.

Faitauga lona lua: Kolose 2: 12 – 14. Matua: Na ia fa'aola mai fa'atasi ma Keriso, ina ia fa'amagal-oina mai a tatou amio leaga uma lava.

Aleluia, Aleluia...O a'u mamoe e fa'alogi mai i latou i lo'u leo, ua 'ou iloa fo'i i latou, ua latou mulimuli mai fo'i iā te a'u...Aleluia.

Evagelia: Luka 11: 1 – 13. Matua: Ia outou ole atu, ona foa'iina mai ai lea iā te outou.

***Tofitofiga o le Upu:***

O lo'o i ai se mea e malosi e uiga i le talosagaina o Iesu e tatalo. O a tatou faigā tatalo masani ua avea ma faiga masani. O lo'o i ai se uiga tāua e uiga i faiga masani, ae e lē o lea pe afai ua sili atu lona tāua i lo tatalo. Ae ui i lea, i le talosaga atu iā Iesu pe fa'apefea ona tatalo ua mafai ai ona tatou tatalo e pei o ia. O le malosi o le talosaga o le fa'aioaina atu i le loto mauualalo tatou te lē atoatoa ona tatou iloaina ona tatalo. O tatou olaga tatalo e leai ni tuā'oi ma o le 'auga atoa o le fa'aitiitia o tatou ae fa'ateleina Keriso. O le tele ona tatou iloaina mai ia Keriso o le tele fo'i lea ole tatou sa'ili i ona ala o le tatalo. O le tele o mea tatou te a'oa'oina mai iā Keriso, o le tele fo'i o le a tatou sa'ilia ona ala o faigā tatalo, o le a tele fo'i ona avea ma Keriso o lo'o tatalo. O lo'o i ai se mea e maofa e uiga i so'o o lo'o matamata ia Iesu o lo'o tatalo ma mana'ona'o i se mea o le vafegaia ai o lo'o iā ia. O le tatalo ua tu'uina mai iā i tatou o se tatalo o le tu'ulafoaina. O le tatalo ale Ali'i o se ofofofogia o le gaioiga o le fa'atuatua ma le sasa'a atu. O le uiga lenā o le tatalo; avea ma se tasi ua tatou tatalo atu i ai, avea o se mafutaga mafana ua tauleiloa le 'ese'esega. O le fa'aletonu o faiga masani o le mafana i se olag-

tatalo, e mafai ona avea ma se mafanafana tele. E leai se mea mafanafana i le tatalo a le Ali'i. Va'ai i mea ua tatou talosaga atu ai, va'ai i upu ua tatou tatalo ai. O le a fa'apea atu 'Lo matou Tamā' o le fa'apea atu i luma o le Atua ua tatou talia o tagata uma o ana fanau e alofa tele i ai. Tagata uma! E le gata i lea, ua tatou aofa'i ai ma tagata tatou te lē o feiloa'i atu i ai i le upu 'Lo matou.' Fuafua mo sina taimi ma le fa'alogo'aga mafana ua amata ona mou malie atu. 'Le Ali'i e a'oa'o mai i matou e tatalo.'

### **ASO 31 IULAI ASO SA 18 TAUSAGA MASANI:**

Faitauga muamua: Failauga 1: 2; 2: 21 – 23. Matua: Se a se mea ua maua e le tagata i ana galuega uma.

Salamo: 95: 1 – 2 (tali), 6 – 7 (tali), 8 = 9 (tali). Tali: O le aso nei afai tou te fa'alogo ai i lona si'ufofoga, 'aua ne'i fa'ama'a'a o outou loto.

Faitauga lona lua: Kolose 3: 1 – 5, 9 – 11. Matua: Ia outou saili i mea o i lugā, o i ai Keriso.

Aleluia, Aleluia... O a'u nei le ala, ma le upu moni, ma le ola; e lē alu atu lava se tasi i le Tamā, pe a lē ui mai iā te a'u... Aleluia.

Evagelia: Luka 12: 13 – 21. Matua: E fai mai ai mea ia ua saunia?

#### ***Tofitofiga o le Upu:***

Ua tatou masani ai i lenei olaga i le tele o taimi tatou te fa'alogoina ai ua pulea e se tasi lona lava ia ola. O se fa'anoanoaga tele, e faigata ona tatou feagai atu i nei fa'anoanoaga, e fa'afuase'ia, e le'i fuafuaina ma e le'i mafai ona taofia, o se fa'ama'i e pei o isi fa'ama'i. I le i ai i nei fa'aletonu ma le fa'ate'ia o le mea e sili ona tāua ua manino mai. E leai se mea e ofoina atu i isi i tulaga fa'apenei i lo a tatou tatalo ma le 'au ai. E leai se mea e mafai ona ofoina atu ua na o Keriso, 'Ua na o Keriso: o ia o mea uma lava ma ua i ai i mea uma lava,' ua fai mai Paulo ia i tatou. O le maliu o se fa'ata'atiaga e lē 'alofia e tatou uma. O tatou uma e i ai uiga fa'aalialia, o nisi o fale saito ua teu ai oloa fa'alalolagi nei. O le mea ua manino mai o le mana'omia ona tu'u atu nei lapisi ua tatou teuina. E mana'omia ona tatou fa'amagalo atu, i isi ma tatou lava. O lo'o i ai se mana'omia tele e fa'atuatuaina o lo'o ia keriso i so'o se mea. O le tele o a tatou popolevale i le olaga e uiga ia tatou fa'anaunauga e pulea. O nisi o mea ua tatou teuina o a tatou fa'ama'a'a ma le ita fa'avalevalea. Ua i ai a tatou fale saito ua tumu i le fa'anoanoa ma le ita, ua tatou taofiofi i mea ua lē o toe aogā. O lo'o i ai se matagofie ile tali a Iesu i le Evagelia 'Sole, o ai 'ea lē na fai a'u ma fa'amasino ma pule iā te outou.' Ua toetoe lava a fa'apea mai 'e i ai se afaina tele.' O le latalata atu i le Ali'i, o le tele fo'i lea ona tatou tu'uina atu Keriso e avea ma mea uma, o le fa'aitiitia fo'i lea o le fa'asausili ma le fia tagata ma fale saito o le a i ai. Mafaufau pe tatou te ola ai e aunoa ma lenā mau lapisi. E lē leaga, ae moni o le maliu ma le oti e sau mo tatou ma e tatau ona tatou mataala e sauni e fa'afeioloa'i atu i ai ma le loto malie o se uō i lo ni moto aga'i i se gaioi.



## FA'ASILASILAGA MAI LE KAPELANISIA SAMOA PULEA'AGA FA'A-AKIEPIKOPŌ EKALESIDIA KATOLIKO I UELIGITONE

O LE A FAIA LE FONOTAGA A LE KAPELANISIA I LE AFIAFI O LE ASO FARAILE ASO 8 IULAI I LE ITULA 6.:30pm I LOWER HUTT SAGATO PETELO MA PAULO . FA'AMOE-MOE O LE A TATOU AU AI I LEA AFIAFI.

FA'AFETAI—KOMITI FA'AFOE

<b>Aso Sa muamua</b>	09.00am	Seatoun	Patele Maleko
<b>3 Iulai 2022</b>	11.00am	Titahi Bay	Leai se Misasa
	11.00am	Porirua	Patele Andrew
<b>Aso Sa Lua</b>			
<b>10 Iulai 2022</b>	12.00	<b>Te Awakairangi – Taita</b> (Taita, Naenae & Lower Hutt)	Patele Andrew
<b>Aso Sa Tolu</b>			
<b>17 Iulai 2022</b>	11.00am.	Newtown	Leai se Misasa
	11.00am	Holy Family	Patele Andrew
<b>Aso Sa Fa</b>			
<b>24 Iulai 2022</b>	11.30am	<b>Te Wairua Tapu - Wainui</b> (Wainuiomata & Petone)	Patele Maleko
	11.30am	Stokes Valley	Patele Andrew

Mikaele Teofilo:



m.teofilo@wn.catholic.org.nz



021 0818 5037



PO Box 1937, Wellington 6140, New Zealand